

德州府志

ech250.81


132

7

北.244.51

132

:T



饒州府卷之二十一

人物志

叙曰觀大史公列傳或美刺並陳或他傳互見郡之乘彰善居多毋亦謂登記傳者榮名足以勸後也饒稱望郡山輝川映人物萃焉宦斯寓斯而俎豆於斯是人來重山川也生斯長斯大者垂簡冊小者亦留傳於丘里是山川以人重也總之美則彰盛則傳前與後並相頌為不朽故首名宦次鄉賢宦蹟武功理學儒林忠節文苑孝義隱逸列女流寓而方伎僊釋舊志所載亦彙次之

饒州府志

卷之二十一

名宦

志人物

人物志

名宦

饒自漢吳芮來凡官茲土者或總理或分治苟誠有功德於民追慕歌咏千百年如一日焉故稽往牒採民謠而著之為傳若人之尚仕與現任者雖輿論攸歸未敢輒入例也姑俟焉

漢步騭字子山淮陰人建安十五年吳孫權辟騭以車騎將軍領鄱陽太守歲中徙交州刺史終拜丞相史稱其



寬弘得衆喜怒不形於色而外內肅然

見三國志

虞翻字仲翔會稽人吳鄱陽太守有文各立言繁盛見三

國志本傳註

按吳志註朱育云大畧忠直謇諤則侍御史餘姚虞翻偏將軍烏傷縣統文章之

事立言繁盛則鄱陽太守章安虞翔各馳文檄嘩若春榮是虞翔誤作虞翻也今當改正

周魴字子魚吳郡人少好學舉孝廉為寧國長平錢唐彭

式等寇為錢唐侯遷丹陽都尉黃武中鄱陽大帥彭綺

作亂攻沒屬城乃以魴為鄱陽太守與胡綜戮力攻討

遂生擒綺送詣武昌加昭義校尉被命密求山中舊族

名帥命譎挑魏大司馬楊州牧曹休魴答恐民帥小醜

饒州府志

卷之二十一

各宦

二

不足仗任事或泄漏不能致休乞遣親人密

齋賤七條誘之休果

信徑來入皖魴隨陸遜橫截休休敗績魴初建密計時

頻有郎官奉詔詰問諸事魴乃詣部郡門下因下髮謝

故休聞不疑旋旋權謂魴曰君下髮載義成孤大事當

書竹帛加禪將軍賜爵關內侯魴在諸郡通十三年卒

賞善罰惡恩威並行

晉虞溥字允源高平昌邑人以公車司馬令除鄱陽內史

大修庠序廣招學徒移告屬縣乃具為條制於是至者

七百餘人作誥獎訓之文載藝文時祭酒求更起屋行

禮溥曰君子行禮無常處也故孔子射於矍相之圃而  
行禮於大樹之下况學庭庠序高堂顯敞乎溥爲政嚴  
而不猛風化大行有白鳥集於郡庭注春秋經傳撰江  
表傳及文章詩賦卒於洛時年六十二

王廙字世相以太傅掾轉叅軍元帝作鎮江左廙棄郡過  
江帝見之大悅以爲司馬頻守鄱陽廬江二郡及帝卽  
位廙奏中興賦上疏曰臣以壬申歲見用爲鄱陽內史  
七月四星聚於牽牛又臣郡有枯樟更生明天之歷數  
在陛下矣廙以功累增封邑後在荊州大失民望帝仍

饒州府志

卷之二十一

三

進左衛將軍及王啟構禍帝遣

廙諭啟乃助啟亂啟得志以廙領荊州刺史卒

紀瞻字思遠秣陵人鄱陽內史會蘇峻叛以溫嶠命同西

陽太守鄧嶽率舟師赴難後至驃騎將軍開府儀同三

司謚曰穆史記其才兼文武朝廷以忠亮雅正稱之

顧衆字長始吳郡人元帝踐祚徵拜駙馬都尉除鄱陽太  
守衆之鄱陽不過王啟啟怪之及啟構逆命衆出軍衆  
遲迴不發啟平爲義興太守加揚威將軍又討蘇峻有  
功封鄱陽伯不拜後遷尙書僕射卒謚曰靖

紀陸咸和問鄱陽太守有討賊功

見晉書帝紀

庾翼字稚恭風儀秀偉少有經綸大畧始辟大尉陶侃在

轉參軍累遷從事中在公府雍容諷議咸和間除振威

將軍領鄱陽太守撫和百姓甚得歡心後賜爵都亭侯

復詔加都督征討諸軍事贈車騎將軍謚曰肅史贊曰稚

恭慷慨亦擅雄名詳見晉書

梁 陸襄字師卿天監中以著作佐郎為揚州從事襄事

毋至孝丁毋憂毀頓過禮昭明太子遣使戒諭太通七

年為鄱陽內史先是郡人鮮於琮得服食修道法遂誑

惑門徒萬餘為亂將攻郡襄先率吏民修城隍為備及

饒州府志 卷之二十一

各宦 四

賊至破之生獲琮時鄰郡案其黨皆不實唯襄郡枉直

無濫民歌曰鮮於平後善惡分人無橫死賴陸君又彭

李二家爭訟襄和詞論之俱感悔乃為設酒食令其盡歡同載而

還民歌曰陸君政無怨家鬪既罷仇共車在政六年郡

大寧郡人李睨等四百餘人詣闕表陳襄德勅許立碑

又表乞留襄固乞還太清初為度支尚書以侯景之亂

憂憤卒襄弱冠遭家禍服除猶若居憂終身蔬食布衣

口不談殺害元帝時贈侍中追封餘干侯

宋虞丘進字豫少以討符堅功封關內侯後從宋武帝征

戰封五等侯及盧循逼都孟景等議奉車駕過江進而折以爲不可武帝嘉之除鄱陽太守太義熙中封望蔡縣男

復進子爵許南

宋胡藩字道亭南昌人桓元時爲太尉大將軍相國軍宋武

帝召參鎮軍軍事以累戰慕容追盧循論功封吳平五

等子除鄱陽太守從伐劉毅後封山陽男諡壯侯許南

王質字子貞性慷慨涉獵書史梁世以武帝甥封侯與侯

景戰敗潛匿人間後奔荊州元帝承制歷位侍中吳州

刺史領鄱陽內史後陳文帝時爲都官尚書卒諡安許南

豫州府志 卷之二十一

名宦

五

史

梁柳暉字文暢解人少有志行善琴累遷太子洗馬父憂

去起試守鄱陽聽吏屬盡三年喪禮署之文教百姓稱

焉還除驃騎從事郎高祖以爲黃門侍郎遷相國右司

馬持節都督廣交桂越四州諸軍事爲吳興太守致仕

卒暉在魏爲政清靜民吏懷之旣善琴嘗以今聲轉棄

古法乃著清調論具有條疏彥游年十二引見詔問讀

何書對曰尚書曰有何美句對曰德惟善政政在養民

衆咸異之拜駙馬都尉都亭侯鄱陽內史詳梁

史

隋梁文謙弘雅有父風以上柱國嫡子例授儀同三司開  
皇中拜刺史煬帝卽位轉饒州刺史嘗歲歉盜起文謙  
督巡官劉宗宏勞揀賑恤且培土爲市使貿易以增益  
民故生遂而情睦作和衆坊以紀其績喜螺螄洲水烹  
茶民因其廉呼曰清灣治行稱天下最徵拜戶部侍郎  
領武賁郎將爲盧龍道軍副會楊元感亂其弟武賁郎  
將元縱先隸文謙元感反間未至而元縱逃走文謙不  
之覺坐是配防桂林而卒

見隋書文謙父  
彥光傳中

柳莊字思敬解人少有遠量博覽墳籍雅達政事岳陽王

饒州府志 卷之二十一

各宦 六

蕭簪辟爲參軍轉法曹遷鴻臚卿高祖踐祚莊入朝蕭  
琮嗣位遷太府卿及梁國廢除黃門侍郎賜田宅後直  
諫忤旨復以平徐璠之亂授饒州刺史甚有治名數載

卒於官 詳隋書

唐薛振龍朔初饒州刺史在碁六年神明馭下土素山產

芝民以爲瑞立亭表之因改土素曰芝山 一統志

竇儼總 章 饒州刺史上鄧遠公銀山之議謂可以贍國用

遂置場以鄧公名之 一統志

顏真卿字清臣京兆人師古五世孫開元中進士拜御史

宰相楊國忠惡之出為平原太守祿山反河朔盡陷獨

平原城守具備是時從父兄杲卿為常山太守斬賊將李欽湊等清土門十

七郡同日自歸推真卿為盟主兵二十萬絕燕趙詔即

拜戶部侍郎佐李光弼討賊至德中遷憲尚書為御史

唐旻誣劾貶饒州刺史先是郡苦盜真卿討擒首惡磔

之市四境肅然自是外戶不閉復簡徭役黜貪殘勸課

農桑辨釋冤枉治化大行課最為諸路第一後以太師

招諭李希烈守節死謚文忠史稱其立朝正色剛而有

禮非公言直道不萌于心天下不以姓名稱而獨曰魯

饒州府志

卷之二十一

名宦

七

公云

李復字初陽建中初饒州刺史表孝友陳饒奴門以勵風

俗嘗築堤捍江民至今德之號邵父堤見唐書并饒奴

傳

馬植字存之由壽州團練副使三遷饒州刺史嘗築塘興

堤百姓便之呼為馬公塘馬公堤史稱其精吏事飭以

文雅其政清靜不煩後進中書侍郎見唐書

崔確貞觀間饒州刺史政有聲時樂平石斫出乳泉確進

之



蕭嗣立字延構少友悌世比王覽第進士武后時拜鳳閣舍人進侍郎為汴州刺史未幾承慶知政事嗣立以成均

祭酒徙魏洛二州政無他異坐與二張善貶饒州刺史時表其蕪入為侍郎尚書卒贈兵部尚書謚曰孝詳唐書

李吉甫字弘憲趙人栖筠子初為博士尋貶後起忠州刺史改郴州復改饒州會前刺史繼死咸言牙城有物怪

不敢居吉甫命菑除其署以視事吏由是以安誅擊奸盜治聲流聞召入翰林學士後為名相詳唐書

第五琦字禹珪京兆人以吏幹進頗能言富國強兵術元

饒州府志 卷之二十一 名宦 八

宗朝任錄事參軍拜御史遷中丞又遷戶部侍郎同平

章事後貶流裔州復起為饒州刺史詳唐書

裴士淹大曆間饒州刺史屬縣德興程烈女擊奸盜報父

讐士淹刊州門以表其節

杜佑字君卿京兆人以父希望蔭補郟縣丞入為工部郎

中累官戶部侍郎為盧杞所惡出為蘇州刺史改饒州

後至平章事贈太傅謚安簡史稱其精於吏職為治不

暇察數幹計賦相民利病而上下之治行無缺詳唐書

鄭珣瑜字元伯榮澤人貞元初任饒州刺史性嚴重少言

未嘗以私託人而人亦不敢干以私在魏清靜惠下後人相謚文獻

詳唐書

帝頌貞元間饒州刺史每舉化民勵俗之事

顏標乾符間饒州刺史黃巢攻城標力戰不支城陷死之楊吳鍾泰章先任壽州團練使左遷饒州刺史時有誣泰章市官馬詰問不對或問之泰章曰吾在壽去淮數里步騎五千苟有他志豈王檢單騎能代之乎我義不負國何必辨以彰朝廷信讒之失

朱范正辭字直道齊州人太平興國中任殿

中會有言饒

饒州府志

卷之二十一

名宦

九

多滯訟正辭知饒州至則宿繫皆決遣之胥吏坐淹獄停職者六十三人會詔令料州兵送京都王與者懷土釋行以刃故傷其足正辭斬之與妻詣登聞上訴太宗召問正辭曰東南諸郡饒實繁盛人心易動與敢扇搖苟失控御則臣無待罪之所矣上壯其敢斷遷膳部員外克江南轉運副使饒民其終者富被盜掠州捕繫十四人當死正辭按之察其非實既而有告盜所在者正辭卽單騎追擊中賊曰執之餘散走得所棄贓物載歸按狀伏法而前十四人皆得釋後官侍御史子職諷

竝進士詳宋史

馬亮字叔明合肥人進士為評事後知饒州州豪白氏多執吏短長常殺人以赦免愈驚橫為閭里患亮發其奸誅之部中畏懾州有鑄錢監匠多而銅錫不給亮請分其工之半別置監於池州歲增鑄緡錢十萬遷殿中侍御史累官至太子少保史稱其有智畧敏於政事詳宋書畢士安字仁叟代州人乾德四年進士太平興國中以左贊善出知饒改殿中丞召還為監察御史累官平章事兼監修國史士安沒真宗悼惜之曰士安餘躬慎行有古人

饒州府志

卷之二十一

各官

十

風吏謂其端方沉雅所至以嚴正稱詳宋書

范仲淹字希文蘇州人以吏部員外郎詳宋書知開封府時呂

彛簡執政進用者多出其門因上百官圖曰進退近臣

凡超格者不宜全委宰相彛簡不悅他日論建都事又

作四論以忤彛簡因罷知饒州興學化俗一以愷悌為

政歲餘遷潤越二州史紀其尚忠厚所至有恩後叅知

政事中外想望其勲業而仲淹以天下為己任日夜謀

慮興致太平為政能盡行其言當朝雖不久然先憂後

樂之志海內已信其為弘毅之器卒謚文正詳宋史郡學祀之

唐文若字立夫眉山人進士光祿丞後遷起居郎為御史

周方崇所劾出知邵州上屢言文若無罪改近郡知饒

州新學宮減田租奇耗二萬又請歲糴常平義倉之儲

什三與民平市農末俱利而粟不腐遂以著令餘干有

劇盜巡尉不能制文若遣牙兵捕而戮之加直敷文閣

移知温州復召為少正少卿後叅贊張浚都督府軍事

卒贈左通奉大夫詳宋史

劉安節政和間知饒州民愛戴之後移宣州民遮留曰范

公後惟公公又去我一統志

饒州府志

卷之二十一

名宦

十一

連南夫德安人建炎間知饒州時舒賊劉文舜為寇繕城

濬隍備之且致書統制王德調兵來援城賴以完人甚

德之為繪像立祠一統志

胡銓字邦衡廬陵人建炎二年御題問答稱旨將冠多士

有忌其直者移寘第五紹興間金使至銓極言其不可

上疏乞斬王倫秦檜孫近被貶隆興初起知饒州尋召

對孝宗曰久聞卿直諒除吏部郎官終資政殿學士謚

忠簡詳宋史

王十朋字龜齡樂清人高宗面試親擢第一孝宗朝拜司

封郎陞侍講會張浚師復靈壁又復宿州十朋奏請  
賞後王師失律張浚自劾十朋亦求請除吏部侍郎不  
就力辭出知饒州饒竝湖盜出沒其間聞十朋至一夕  
遁去抵任惠政及民民甚戴之後移知夔州饒民走請  
可乞留不得至斷其橋乃以車從間道去衆莫斷橋以  
玉公名之後官至龍圖閣學士諡忠文史論其歷詆姦  
侂直言無隱事上忠而自信篤足當大任者

詳宋史郡學祀之

史彌鞏字南叔好學立言一以朱熹為法彌遠從弟也彌

遠柄國避嫌不獲試淹

擢十載嘉定間始登科時李惠開鄂閩知彌鞏

持論不

饒州府志

卷之二十一

十二

阿辟詔幕府事端平初入監都進奏院轉對出點江東  
刑獄歲大旱饒信南康三郡太褻謂賑荒在得人俾釐  
戶為五甲乙以等第賑糶丙為自給丁糴而戊濟全活  
為口一百一十四萬有奇徽之休寧有淮民三十餘輩  
操戈劫人財逮捕法曹以不傷人論罪彌鞏曰持兵為  
盜貸之是滋盜也推情重者繆數人一道以寧饒州兵  
籍溢數供億不繼請汰冗兵令下營門大譟乃呼諸校  
謂曰汰不當許自陳敢諱者斬咸叩首請罪諸營帖然  
稟給亦大省為司封郎中真德秀曰史南叔不登宗袞

之門者三十年皦然不污有如此詳宋史

程元鳳字申甫徽州人紹定元末進士理宗朝遷著作郎輪對

指陳時病尤激切當國者以為厲已出外知饒州郡初羅

水災元鳳訪民疾苦夙夜究心脩城堞置義阡寬誅求

察誣證進江淮荆浙閩廣南都大提點坑冶仍兼知饒

州治司歲有冬夏帳銀悉舉以補郡積年諸稅歛之不

足者芝生治所眾以治行所致元鳳曰五穀熟則民蒙

惠此不足異也召奏事辭不就後累官右丞相封吉國公

詳宋史

饒州府志 卷之二十一 各官 十三

唐震字景寔會稽人咸淳中通判臨安知信州擢浙江提

刑屢忤賈似道去官後起知饒州時興國南康江州諸

郡皆已歸元元兵畧饒饒兵止千八百人震發州民城

守味爽出治兵至夜中始寐上書求援不報元兵使人

入饒取降款通判萬道同陰使於所部歛白金牛酒備

降禮饒寓士皆從之道同諷震降震叱之曰我忍偷生

負國耶城中少年感震言殺使者民有李希聖者謀出

降械寘獄中明年二月兵大至都大提舉鄧益遁去震

盡出府中金錢書官資揭於城募有能出戰者賞之眾

惟不能戰北兵登陴衆遂潰震入府中王芝堂其僕前  
請曰事急矣鄱江門兵未合亟出猶可免震罵曰城中  
民命皆係於我我若從爾言得不死城中民死我何面  
目生邪左右不復敢言皆出有頃兵入執贖鋪案上使  
震署降震擲筆於地不屈遂死之兄椿與家人俱死張  
世傑尋復饒州判官烏宗節求震屍葬之贈華文閣待  
制謚忠介廟號褒忠官其二子見宋史

黃震字伯起浦城人進士官至員外郎提點湖北路刑獄擢  
江淮發運使劾丁謂之奸奪一官及謂貶乃復知饒州

饒州府志

卷之二十一

名宦

十四

徙廣東轉運使嘗對真宗曰廉正公忠臣職也詳宋史

張譚慶曆間由都官員外郎知饒兼提金銀銅坑冶公事

時饒學燬譚新之聘郡人胡寧爲師

史定之四明人嘉定間知饒州廣城隍卽今制著饒州志  
二卷

洪興祖字慶善丹陽人悟性命之理績文日進登政和上  
舍第以知真州徙饒州是時秦檜當國諫官多檜門下  
爭彈劾以媚檜興祖坐嘗作學士程瑀論語解序語涉

怨望編管昭州詳宋史

李性傳字成之舜臣子嘉定進士累官禮部侍郎以臣僚  
言罷尋以寶章閣待制知饒州改知寧國府再知饒州  
復以言罷後起兵部侍郎終拜端明殿學士叅知政事  
贈少保史論其無所附麗詳宋史

蕭貫字貫之新喻人俊邁能文行尙氣槩舉進士爲評事  
遷刑部員外郎降知饒州有撫州司法叅軍孫齊以妻  
杜氏留里中給娶周氏出杜氏後又納娼陳氏挈周子  
之任未幾周氏至齊捽周置廡下出偽券曰若傭婢也  
乃殺其所生子周遍訴無柰或曰得如饒州蕭使君者

饒州府志

卷之二十一

名宦

十五

誦之事當白矣周氏以布衣書姓名乞食馳告之撫非  
貫所部而貫特爲治之更赦猶編管齊濠州遷員外郎  
卒史稱其臨事敢爲不苟合於時詳宋史

謝枋得字君直號疊山弋陽人性好直言以忠義自任寶  
祐進士吳潛宣撫江東西辟兼幹辦公事團結民兵以  
捍饒信撫至咸淳開江東提刑江西招諭使德祐初起  
兵勤王爲恢復計不成退保信復不支乃變名姓賣卜  
建陽市中元屢辟不就被獲不食死妻李氏時係獄計  
到卽自經女適周聞之投橋下死號一門三節義史論



枋得嶽崎以全臣節

宋史

元王都中字元俞福寧州人父積翁仕宋爲學士後以全  
閩圖藉覲元世祖參知政事都中恩授從仕郎後爲平  
江路彬州總管遷饒州路總管年饑米價翔踊都中以  
官倉之米定其價爲三等言於行省以爲頒糶以下等  
價民乃可得食未報又於下等價減十之二使民就糶  
時宰忿其專擅都中曰饒去杭幾二千里比議定往還  
非半月不可人七日不食則死安能忍死以待乎其民  
亦相與言曰公爲我輩減米價公果得罪我輩當鬻妻

饒州府志

卷之二十一

各宦

十六

子以代公償時宰聞之乃罷郡歲貢金而金戶貧富不  
常都中考得其實乃更定之包銀之法戶不過二兩而  
州縣徵之加十倍都中責之一以詔書從事父老或以  
兩岐之麥六穗之禾爲獻都中曰此聖王之嘉瑞非臣  
下所敢當遂以聞於朝以內憂去郡民生爲立祠服闋  
除兩浙都轉運鹽使終拜江浙行省參知政事贈太學  
士謚清獻歷仕四十餘年所至政譽暴著治郡之績雖  
古循吏無以過之清白之操得於家傳所賜田宅外不  
增一噓不易一椽廩祿悉給姻族之貧者猶致力根本

之學號曰本齋

詳元史

卜天璋字君章洛陽人幼穎悟長負直氣以中書掾累官主事郎中陞浙江廉訪使以更田制改授饒州路總管既至聽民自實事無苛擾民大說版籍為清饑民窘甚發廩賑之僚佐持不可璋曰請而後賑民且死矣失申之責吾獨任焉不累諸君也發賑之火延燒饒東門甚熾天璋具衣冠拜遂熄鳴山有虎為暴天璋移文山神立捕獲之擢治行第一陞廣東廉訪使卒贈禮部尚書

謚正獻

詳元史

饒州府志

卷之二十一

名宦

十七

韓鏞字伯高濟南人延祐進士授翰林編修泰定中拜監察御史累遷侍御史以剛介忤時誣罷旋起叅議中書省事是時慎選守令上乃特署姓名授饒州路總管饒俗尚鬼有覺山廟之神為妖盜必卜之鏞撤去境內淫祠皆毀求宿儒學行俱優者列為五經師且望幅巾深衣以謁先聖月有課試暇必相與論討自奉淡泊屬皆化之朝有使于饒者供以糲飯皆無後言政多類此十年拜中書叅知政事

詳元史

魏中立字伯時濟南人由國子伴讀歷官陝西行臺御史

中丞遷守饒州賊徐壽輝既陷湖廣遣偽將項普分攻  
州郡官軍多疲懦不能拒所在無賴子多乘間竄發不  
旬日衆輒數萬皆短衣草履齒木爲鈿削竹爲鎗截緋  
帛爲巾襦彌野皆赤中立聞之卽率丁壯分塞險要戒  
守備俄而賊至達魯花赤乘馬出戰不能發一矢賊愈  
偪中立以義兵擊卻之已而賊復合遂爲所執以紅衣  
被其身中立叱之鬚髯盡張賊執歸斬水欲屈其從已  
中立大罵不已遂被害載元史

烏樞字季言河陽人至正末由餘干知州遷饒州府總管

饒州府志

卷之二十一

名宦

十八

詳縣名  
空傳

移刺迪字詣中白霽人樞密忠靖公子元統間爲饒州總  
管講學行禮處輸運均役省刑嘗旱三禱三雨代去民  
感之立去思碑

傅闔字士開自江東憲僉改饒州總管風裁凜然奸宄斂  
跡

明宋炳字景光合肥人明洪武甲辰總制府事繕城濬隍  
武事修舉閩蕭名來寇炳與知府陶安提孤軍五百雜  
以居民嬰城拒守明日賊三千餘架船百艘犯南門炳

率衆射之矢如雨注俄報賊數千人攻北門門外有浮  
屠賊躋緣瞰虛實炳設疑兵眩之注以火箭賊技無所  
施江西援至炳開門率兵助之賊奔潰擒僞招討舞海  
萬戶袁勝等死者無算蕭名僅以身免捷聞賞勞有差  
城東西北三面卑隘增高五尺闕半之與旗纛廟守禦  
廳譙樓諸建經畫素定下不知擾六年召還

鄭選靈璧人

元相密同僉

明初以功授武畧將軍守禦創立軍

營相原隰分部伍躬立規制曲盡材用法嚴恩洽士卒  
莫不感憤而思力迺寇唐丑人竊發樂平文山選與同

饒州府志

卷之二十一

名宦

十九

知唐魯之謀整軍直擣巢穴預遣遊兵間行弋陽以塞  
歸路連戰屢捷賊遁池州追斬之由是數邑無警民立

廟德興永泰市祀之

一統志以上明初武職

陶安字主敬姑熟人洪武初知府事時兵燹之餘水旱相  
仍安招徠閔恤流亡四集凡役有不勝者事有未復者  
悉罷行之與守禦官宋炳繕城堞峙樓櫓又創倉廩備  
糧儲以防不虞果有寇蕭名至州縣无解將犯饒安慰  
士庶謂曰國家甲兵所向無敵叛逆孱餘黨驅烏合特  
喘息須臾耳我城堅糧足援兵至必破賊矣民恃安無

恐相率登城環守江南行省援至與我軍夾擊之大破  
賊捷聞頒賞鄱陽尹許信無名安分已所賞給之郡學  
舊在東湖為賊所燼用邑儒徐素議卽城西天寧廢刹  
增而大之延范之奇為師風化百務具舉漸復太平文  
物民肖像立祠後擢翰林學士累官江西行省參知政  
事  
殷敏洛陽人以國子生選入武英殿紀事授監察御史洪  
武九年以能陞饒州知府為治廉明有惠愛樂平縣民  
有詣闕訴大姓五十餘家謀逆者詔指揮潘某率兵往  
捕之兵至饒州敏驚曰樂平民素淳朴未必有此吾為

饒州府志

卷之二十一

各官

二十一

郡守不可使民死無辜請先往察之至樂平皆耕牧如  
常時敏得告者乃無賴平素以假貸不得怨諸大姓故  
重誣之冀獲賞耳敏還白潘初不之信自往察視果如  
敏言於是各以其家至京辨其誣遂詔釋之而誅妄  
告者  
李益利津人洪武間以戶部主事判饒尋知饒蒞任十八  
年知民情土俗性寬大不事苛細每行所無事不為矯  
行以干名民愛之如父母嘗大嶠益謹齋以禱忽大雨

如注蝻盡滅無遺類擢山東叅議一統  
志

某砥字寢道上虞人洪武四年進士任翰林編修改廣西

會事永樂初修史書靖難事多微詞被逮籍其家惟書  
篋事白復官仍與史事入文淵閣總裁侍講東宮郎中  
以老請郡遂知饒州虛心延訪盡得利病而興除之明  
年雨暴溢踰年早熯爲災發粟賑之復其役每遇訟砥  
曰饒稱有陶唐遺風何乃爾論以理不直以法民感而  
悔訟遂大簡郡故有磁甕銅冶而丁調不減他郡奏減  
四分之一民困以甦尤留意學校文風大振八十餘卒  
於官士民巷哭罷市如喪考妣

一統志

胡乾祐洪武間知府百廢悉舉文物漸振

饒州府志

卷之二十一

名宦

二十一

黃通理如臯人以戶部郎中宣德間知饒州建今府治善  
經略有仁名

王佐蘄州人景泰間知府平易諒直廉介縝密先任徽州  
松江同知去則民上章挽車以留及去饒後忽傳聞曰  
王公復來守饒百姓趨迎之謠曰王公再來天有眼  
李聰順德人成化間郎中出守饒愷悌仁厚視百姓如  
家人擢廣西叅政去之日民家設果酌以送之

陳策字嘉言無錫人由進士正德間知饒州經營政治不  
憚拮据而其大者在處置姚源賊變悉心謀畫垂爲永

賴方賊再與菱塘之黨聲勢響應載芻糧餉軍犁壁山  
諸營堡招撫流賊策赴京賊復跳梁流劫徽衢間策還  
治分營勦賊馭師越勦及明口以當其衝賊懼甚不敢  
肆卒受招就巢穴割地建萬年縣策才幹文學綽優雖  
干戈倥傯聘鄱陽孝廉劉錄修郡志手裁訂之且各有  
題咏焉  
胡軒字士榮餘姚人進士正德間兩淮運同權鹽利節操  
凜然擢守饒適萬年邑治初建洞民桀黠者乘釁竊發  
軒廉其狀漸次芟艾時新邑百役並興費出不貲軒綜  
理通敏足以任之萬年新民以安而六邑亦賴以休息

饒州府志

卷之二十一

名宦

二十三

尋擢兩淮運使去民懷之

顧章志崑山縣人嘉靖間進士四十一年知饒州慈祥愷  
悌穆如春風凡訟于庭者先化誨後刑罰課士興學名  
士彬出其門而清操一節始終凜然七邑屬吏賢者樂  
得自表不肖者亦愧憚時浮梁有墨令懼其覺發歛里  
遁詐為餽節入金酒甕然竟不敢以獻而私之橐至今  
傳笑焉章志廉令之素卒黜其官而置之法歷官山東  
按察使後起南京兵部右侍郎贈都察院右都御史  
陳吾德廣東新會人明嘉靖乙丑進士隆慶間任工科給

事中以直言黜萬曆初復起兵科給事中時宋儒新劉  
燾方顯擢皆江陵深交也吾德聯疏罷黜江陵啣之慈  
仁宮火輔臣以未及寢殿率羣臣賀吾德出班抗言其  
非翼日上疏有諛臣倡爲不足畏之句江陵怒謂內臣  
馮保曰狂生指我矣保卽從中出之於饒吾德忻然就  
任性清嚴敢執不以姑息爲政豪有力凜凜相戒凡橫  
取者盡以還之細民申明鄉約

聖諭六言有首尾吟令塾師以課童蒙七邑里巷絃誦相  
聞大旱禱雨齋沐徒行憂形于色踰月得雨乃止歲荒

饒州府志

卷之二十一

各宦

二十三

鋪賑有方轉輸有術民不知饑置社倉爲永久計幾遍  
各邑贖賑悉以穀分入各倉嚴保甲之法真盜立斃杖  
下夜戶可以不閉而最重板援株連者嚴溺女之禁產  
女貧人給穀二石犯者黥於門二年所活萬餘女嚴停  
喪之禁世族據占如芝山旁官地親操鋤耒界公之民  
以爲倡而各邑累世相枕藉之棺一時無不入土鄉紳  
中嚴重史桂芳召諸生講學歌詩課藝相與若家人父  
子適城內宗室失小盜原未報郡江陵黨聞之毛指疏  
論以是謫去之日合郡士民如失所天蕭然行李泊舟



南天寺與諸生狂歌再信而去後起補湖廣叅議卒

官

張忠字公良泰興縣人由歲貢公雖以明經起家而學問

淵邃幹濟甚優任工部員外郎治張秋河決以功超拜

知饒州爲郡清廉自持言笑不苟囊無一文在任三載

政聲籍籍聞少子登科飄然掛冠歸士民至今思之

張有譽字靜涵常州之江陰人由計部守饒初至饒行笈

蕭然以紡具自隨人竊怪之練衣糲食有寒士之所不

能堪者譽處之晏如質明蒞事小民恃其樂易織芥之

必躋堂愬之手挾朱墨筆一盡辰刻間悉爲平遣去累

饒州府志

卷之二十一

名宦

二十四

月不入一醵淡旬不桮一人常顧語胥役曰此間涼薄

若念家可且去居恒施設唯旌孝弟勸力田清賦役嚴

城守職其大者行所無事時允漕則軍民相厲船埠馬

差則二途交困有譽皆爲審權宜計長久積弊頓更人

蒙其休其造士一月兩課細評款語寒暑不輟守郡七

年擢江西糧儲道旋遷江南漕道歷官戶部尚書嘗自

會城過饒謁直指使士民抱其足不得前午夜解舟去

張允掄字並叔山東萊陽人崇禎甲戌進士由部郎出守

饒州歲值奇荒公下車首咨民間疾苦禁私運通商廣

糴民賴以甦時練餉督催如雨特遣重臣以上方劍從事功令赫赫允掄屹不爲動且侃侃爲民請命後竟以軍需不給鐫級去歷任五載橐無長物止餘在郡所撰書院祠廟諸碑文詩記而已

國朝翟鳳翥字象陸山西聞喜人丙戌進士順治六年以秋官郎守饒州饒濱江帶湖林澤深阻變亂以來瓦礫彌望鳳翥見之惻然爲招流移勤慰止有能誅一茅蓋一瓦者持斗酒勞之人感其誠征鴻始集又爲詳請

題蠲荒蕪糧稅八萬有奇民獲安堵慶更生焉時鼎定方

饒州府志

卷之二十一

名宦

二十五

始衡門之內絃歌絕響郡學僻在西鄩已傾圯荆棘中僉謀協吉移建故淮藩舊址官墻歸然觀者興嘆又建芝山錦雲東山諸書院講學課士寒暑不輟凡崇賢祀神之典靡不備舉士氣丕變至若勸農桑絕爭訟平劇盜禁溺女大端犁然不可縷書四載奏最晉秩興屯道招撫屯民五萬餘名增穀二十二萬餘石公私贍足尋擢陝西廉使湖廣右方伯福建左布政生平廉以律已恕以御下敦厚而下不能欺綜核名實而不傷于察雖去位十有餘年士民猶歌思之爲請從祀久而益虔

梁以桂字揚居順天大興人順治丙戌進士由刑部出守  
饒州居心平恕和氣親人去太甚尚寬簡一意與民休  
息不務更張操切博赫赫名視事之暇非稽古論文卽  
飲醇賦詩于應酬交際澹如也方是時士服其教民懷  
其恩獨是同官王公澄者與梁落落不合澄惟刻削司  
刑數載大都效溫舒延年之爲人寃者輒訟于梁梁見  
而戚之力爲平反多所矜全七邑中婚安其室塚免爲  
墟梁之造德甚弘王由是啣之時中傷梁梁不察也嗚呼梁固仁人亦雅量也哉  
唐郭震字元振魏州人累官封代國公元宗講武驪山旣  
饒州府志 卷之二十一 各宦 二十六

三令帝親鼓之元振遽奏禮止帝怒流新州開元初帝

思舊功起饒州司馬怏怏不得志道病卒史記其慷慨

不事小節又論曰元振功顯節完一跌未復世憾其早殺云

歸崇敬字正禮吳人治禮家學多識容典官修撰嘗疏陳

生民疲敝當以儉化天下後貶饒州司馬尋召復可業

終兵部尚書詳唐書

唐穆贊字相明河內人累官侍御史後以裴延齡判度支

屬吏受賂獄具欲曲貸吏贊執不可延齡白贊深文貶

饒州別駕久之拜州刺史遷觀察使史記其質性强直

代為孝友聞家

詳唐書

宋婁機字彥發

嘉興人

乾道間進士為於潛丞江東提舉改

知西安縣復通判饒州平反冤獄後拜相彌縫禪贊甚

多吏稱其以誠接物是非枉直判然稱獎人才不遺寸

長其所進薦亦不欲人之知也

詳宋史

曹修古字述之建安人進士起家累遷秘書丞通判饒州

召還為監察御史累官殿中侍御史立朝慷慨有風節

遇事輒言無所回撓既沒不能舉喪

詳宋史

明諸忠嘉興人永樂間判饒有能名被薦入為郎中

饒州府志

卷之二十一

各宦

二十七

李瓚字宗器濮陽人以通政叅議出判饒發姦如神權豪

讐服制稅賦法斂者不敢肆田野戶戶沾惠

元潘敏中

濟南人

至正間任饒州路推官平冤獄有神蛇之

異天台陶凱詩畧曰潘侯理獄市雪冤類神明又曰蛇

冤涉幽怪事近猶足徵

一統志

明艾茂

彬州人

宣德間饒推官平反疑獄人賴之被薦起監

察御史

王壽大原人正統間饒推官發奸摘伏豪奸屏跡考最遷

監察御史

成勇字寶慈山東人乙丑進士天啓六年任秉性剛方蒞  
官嚴整頗咲不以假人可方古之包孝肅時有武宦家  
居園池亭榭頗稱各勝當事競遊賞之獨不能邀其一  
盼又偶坐郵館有所弁驕蹇無狀馳馬過其前後弁以  
不~~非~~當繫援引者相繼皆峻拒之竟置于理其風裁矯  
矯不畏疆禦皆此類也陞浙江道御史

朱天麟字震青江南人戊辰進士崇禎二年任雄才博學  
嚴濟以寬明慎用刑而法無枉濫然湛于經術高文典  
冊遠慕司馬長卿纖悉爰書非其志也著有一鼎三燃

饒州府志

卷之二十一

各宦

二十八

等集與衍宏深一時嘆為奇絕陞禮部主事隨擢翰林  
院編修

王永吉字鐵山江南高郵人明乙丑進士初令仁和以不  
避權貴謫江西理問隨補饒州司李下車接見士紳慷慨  
而談時務丰彩凜然爰書填委剖斷如流復不執已  
見必咨之鄉老者儒以質其當否左右無敢窺其意旨  
者至於讞大獄理沉寃咸出以詳慎觀其平反矜疑二  
書雖古之明允弗過也時徵輸積弊已久加以練餉均  
輸溢地各色吏胥得以因緣為奸因取各邑額冊精心

研筭著為清賦大綱欵項雖繁皆有成法宿弊為之一  
清蓋政事本於經術而弘才運以密慮者官吏部尚書

首領

宋蔣興祖宜興人之奇孫以蔭累調饒州司錄睦州盜起  
旁郡皆震興祖白州將糾吏卒緝戰具盜不敢謀以功  
遷知武陽靖康初金兵犯京師過縣力戰不敵死年四  
十二妻及長子相繼死詔贈朝散大夫 見宋史

李浩字德遠其先居建昌遷臨川紹興進士時秦熺挾宰  
相檜勢以魁多士同年皆見之或拉浩行毅然不往調

饒州府志

卷之二十一

各宦

二十九

饒州司戶叅軍遷襄陽推官孝宗朝盡言極諫上曰李  
浩直諫遂除吏部侍郎史稱其質直渾厚沉潛義理立  
朝槩然以時事為己任忠憤激烈言切時弊故見忌於  
衆潔已獨持風裁素高人不致干以私云 詳宋史

劉應龍字漢臣高安人嘉定進士授零陵主簿饒州錄事  
叅軍有毛隆者務剽掠殺人州民被盜遙呼盜曰汝毛  
隆也盜曰我毛隆也既訟於官捕隆置獄應龍曰盜誠  
毛隆其肯自謂因言於州州不可乃委他官隆誣伏抵  
死未幾盜敗應龍由是著名改知崇仁後知隆興府兼

江西轉運副使權戶部侍郎以奏對忤賈似道知建寧  
德祐間遷兵部尚書寶章閣直學士

詳宋史

劉季孫以左班殿直監饒州酒稅王介甫為江東提刑見  
其詩風吹燕語落簷間底事來驚夢裏聞說與傍人渾  
不解杖藜携酒看芝山大稱賞差搆州學諸生始驚而  
終服遂知名當世

劉燾字晦伯建陽人受學朱熹乾道進士山陽主簿調饒  
州錄事通判黃奕將以事汗燾而已以賊抵罪去都大  
坑治耿某閔遺骸暴露用浮屠法奕之水火燾遺書曰

饒州府志

卷之二十一

名宦

三十

使死者有知禍亦慘矣請擇高阜為叢塚以葬調連城  
令仕至工部尚書謚文簡

詳宋史

元周自強字剛新喻人好學能文以文法推擇為吏秦定  
間廣西洞徭反自強往見徭寇說以禍福立為罷兵貢  
欵請命事聞授廣西宣慰司都事轉饒州路經歷後陞  
金谿縣尹終江州路總管致仕史稱其周知民情性寬  
厚不為刻深政治大行聲譽藉甚

詳元史

明周禎字百寧金陵人洪武間經歷陶安甚重之行縣德  
興寇至禎有保障閩寇潰堂竄伏史結聚禎請徽州兵

擒之頑俊拔耿介有籌略後考去擢淮東鹽運使俱

### 鄱陽縣

秦吳芮始為鄱陽令詳見鄉賢列傳

西漢唐蒙令鄱陽建陽間大行王恢道豫章擊東粵殺王

鄧以報恢因兵威使蒙風曉南粵南粵食蒙蒟醬蒙詢

蒟醬出自蜀之夜郎遂知夜郎可通既還上書說武帝

擢蒙中領千兵開夜郎遂通西域路

吳魏勝字周林上虞人令鄱陽性剛直行不苟合雖遭困

逼終不回撓嘗為孫策功曹以并策見譴將殺之衆懼

### 饒州府志 卷之二十一

策毋吳夫人乃倚井謂策曰汝新造江其事未集方

當優賢禮士赦過錄功魏功曹奉公盡職汝今殺之則

明日人皆叛汝吾不忍見禍之及當先投此并耳策釋

之後遷鄱陽太守

宋朱琬慶曆間知鄱陽時知州張譚建學東湖贊成之功

多出於琬

周還淳祐間知鄱陽縣即北門內州學舊基創建縣學

### 大興文教

鄭日新寶祐間知鄱陽有善政民立亭以表之號為鄭公



亭

明端冕字章甫滁州人至正間以廉吏舉洪武甲辰知鄱陽值兵火凋弊之後盡心撫綏民賴以安

韓子敬洪武間知鄱陽有才能修廢舉墜懋著治蹟百姓懷之

劉毅鳳陽人洪武間知鄱陽清白自持一介不取及爲同事者誣以贓被逮僅與妻米三升訣別遭風舟覆溺死妻聞亦投井死士民憐之謂失二慈母

任勉字近恩華亭人洪武間知鄱陽首以禮義導民公暇

饒州府志

卷之二十一

名宦

三十三

詣學宮授諸生經史時丁調法弊勉立易見冊分戶三等調則檢實以行吏不能爲奸民如不擾有寡婦欲再適託以饑寒訟其夫兄減贍勉不爲理大書其背曰餓死事極小失節事極大俗由是恥失節焉明於聽斷隣邑疑獄悉委以讞洞得其情時察天下縣令之賢者五人而勉與陞知瀘州民詣闕請留遂調饒州同知踰年稱疾去永樂間起福建叅政卒年八十有九

曾寶字楚善福州人洪武間由監察御史出知鄱陽言動有法政令精明詢故老察民俗視貧富以均徭役豪黠

之徒聞風屏跡尤留意學校獎勵士類秩滿復監察御史官至廣西按察使

吳讓宣城人以按察副使謫知鄱陽明敏決斷人不敢干以私

嚴壹天順間知鄱陽治務寬恕撫綏之政藹然發于至誠吏民不忍欺

劉渙江陵人成化間知鄱陽精敏廉慎誠心愛民治行卓異爲江西首稱城東十里有水患築堤以捍長數千丈得良田數千畝因築堤冒暑疾卒民傷悼如父母

饒州府志

卷之二十一

各宦

三十三

余本實字誠之弘治間知鄱陽政寬令簡多惠愛民擢御史

張壹字德輝上海人正德間知鄱陽性方嚴抑制豪強愛惜小民訟立決公庭治有餘閒贖鍰不入私帑鄉無征需吏卒凜凜呼爲張鐵面終湖廣叅議

徐俊民嘉興人由進士嘉靖二年知鄱陽有幹才盡心民事繕城築堤纂志修學利無不興廢無不舉嘉靖間鄱良令稱首

毛孔墀福清人由進士嘉靖三十年知鄱陽舉孝行禁暴

露著齊禮編喻俗朔望進諸生明倫堂講藝鄉村立社  
學選蒙師親句讀小學授之誠心古道專務以德化民  
一時有笑其迂者而士論至今思之

陳思忠莆田人由進士隆慶元年知鄱陽三仕爲令精于  
吏事催科最爲得法奸無所容民便之內艱去號送者  
塞途終高州守

王應斗字天侯湖廣崇陽人壬戌進士和易愷弟治番五  
載未嘗枉朴一人時催科漸迫而能輕刑省耗每于灾  
苗尤加撫字至獄有屈抑必多方昭雪之誠循良之選  
也至待士特加禮遇其所識拔士後皆仕躋清顯任滿  
以殊擢御史去士民至今思之

饒州府志

卷之二十一

名宦

三十四

國朝方之璧字

山東膠州舉人性介直落落寡合治

鄱一載靜若無事正可張羅或有不諒而過督者輒指  
天日以自明然竟以是獲戾憤懣發疾卒其清勁不撓  
可方古強項令矣

鄭邦相字又倚湖廣咸寧人戊戌進士天資明敏勇于奉  
公晨起視事至晚弗倦無滯獄無逋賦退食仍以詩文  
自娛其才智有大過人者鄱素苦盜屢獲屢脫公威克

厥愛潛稟命于賢監司得貴高公高力主之自是行無掣肘擒悉置法民賴以安此更其治績之可傳者任滿擢知滁州士民紀其善政以誌不忘焉

餘干縣

晉王弘大寧間知餘干鼎建縣廳白氣貫天及武帝召爲侍從人以爲瑞應云

王大如字鉅夫陳陶人夷甫孫也高介不阿與陶潛相友善義熙間爲廬江內史宋祖裕惡之謫餘干令興利除害先後緩急得宜越二年裕殺之民懷其德爲立祠

饒州府志

卷之二十一

名宦

三十五

梁鄭弁金華人大通間知餘干屏斥紛華敦尚渾朴時縣廳燬以水旱頻仍僅僅修復不煩重科役民咸德之

唐顧錫貞觀間知餘干多惠政獲瑞鸛赤羽白羽一

李德裕字文饒吉甫子興元中尹餘干軫念民瘼專意教養四年間野無遺地絃頌比屋治爲江東第一後大拜王室幾中興詳見本傳

南唐高拯字叔濟歙縣人 保大間尹餘干當喪亂後

居民凋散科役煩重民不堪命爲貸私錢若干萬緡每鄉責二人行商取息以資公用民賴以蘇耕桑無廢壞

去後民感之立碑

宋吳在木青州人咸平間知餘干識敏善斷嘗曰欲治其  
外先治其內曹司輩貪墨者榜出之又曰牧民猶牧羊  
當除其敗羣者刑先豪強一縣稱治有青鹿白雀之瑞  
民歌曰吳在木政嚴肅昔屢空今皆足寇準薦其賢官  
至尚書  
江樸字匠師嘉祐時進士知餘干初徙學宮於南隅重建  
養濟院以牧養貧獨蓋其治在禮士愛民時嘉稱之

吳與字可權漳州人元符間知餘干有學識蒞官之月決  
囹獄八直冤獄二建學宮修公廨養士任才遠近悅服

饒州府志

卷之二十一

名宦

三十六

劉正夫稱其愛民如子護士如寶聽訟如神擢御史

杜師旦紹興間知餘干初蒞政奉行經界事召父老有才  
德者坐論悉從其議田分伍等租以六升為率設法防  
杜且囑父老曰行之一主公道勿回勢徇私既成民咸  
稱善後以內艱歸

趙彥瑞字德莊由進士紹興間知餘干剛介不屈為政  
四年以利民為本民稱趙毋因家東隅尋為江東運副  
制賑濟之法嚴不舉子之令後歷太常少卿自號介菴  
居士有文集

沈度紹興間知餘十政有三善田無廢土市無閑居獄犴無宿繫民謳歌之

馬光祖金華人由進士寶祐間調新喻簿已有能名從真德秀學改知餘干時水旱相仍災疫大作旱則齋誠祈禱水則隨地撫慰疾則制藥逐人治療三日一親往視猶敬愛賢士高年勸有粟者賑糶又以公錢轉糶設粥食饑累請乞蠲糧稅上免又作義阡葬遺骸去後民思之立祠樹碑官至叅知政事謚莊敏史稱其寬猛適宜事存大體在外練兵豐財朝廷以之為京

尹則剽治浩穰風績凜然

饒州府志

卷之二十一

名宦

三十七

徐珏字叔寶上饒人寶祐間知餘干嘗聽訟有歌者黃丑丑其夫余付外出乃與胡二夜飲醉付歸見以刀割丑腹明日愬胡殺丑胡懼且伏罪珏辨其誣再讞得真情胡竟不枉死同付皆笞決人服其明斷珏為政多類此羅必元字亨父進賢人由進士咸淳間初調福州觀察推官勢家奪民園必元直之為言官以私憾罷知餘干邑有史氏管婢六奴奴逃父家父藏之殺丐女子衣六奴衣投井中後舉屍誣史氏必元疑之廉得六奴釋史氏寃以奴父抵丐女命又有客被賊謀死於周公埠其

魂以狀告必元怪而逐之次月復至狀無字照之有詩  
云白雲分兩片秋月正揚輝惆悵江頭暮無船不可歸  
必元曰此必是姓段名明者殺之捕得其人服罪改判  
贛州後官至寶章閣兼宗學博士必元嘗從危稹包任  
遜學有淵源見理甚明風節甚高詳宋史  
元竇汝舟曹州人大德間知餘干州有操守愛民重士退  
輒治圃所食惟蔬菜門無私謁

趙址字伯麟汴梁人延祐間知餘干州禮士愛民時稱愷  
悌君子

饒州府志

卷之二十一

名宦

三十八

烏樞字李言河陽人至正間知餘干州嚴明廉幹抑強扶  
弱興廢舉墜簡訟均賦得士民心居六年淮兵破餘干  
挾印詣浙江行省請兵復州治未幾再破退保巷西凡  
二年制授中順大夫饒州路總管時陳友諒陷江西樞  
還安樂鄉麻田寺居九年卒里士洪復祖與僧辨以禮葬之

畢福洪武四年知餘干有惠政

一統志

馮允華陰人洪武間以監察御史知餘干訪民隱戢吏奸  
政令嚴明民懷吏畏去之日惟琴書數卷百姓謠曰三  
年清百事成

胡煥止統時知縣清慎不苟取

朱思通衡州人景泰時知縣爲人清介有門榜云管百姓須愛百姓要一文不值一文一如所言民間汲水者常相顧謂此水之清可比朱公

邵崑桐廬人天順間知縣振士風去奸吏定差除弊時十九都多虎崑自責禱神虎相繼去已卯夏旱崑竭誠群望山川三日雨如涯秩滿陞撫州同知

王倬崑山進士成化時知縣精於吏治綜理無遺官至兵部侍郎

饒州府志

卷之二十一

各宦

三十九

徐冠字士元涇縣舉人正德初知縣時姚源賊勢方熾征勦藩臬諸道邊達官督府總戎暨諸徭獍獠駐縣日費不可指計冠調度周悉民無煩擾擢監察御史

葉蕩福建人正德間知縣當兵荒後百務節省歷任未久以清慎著

謝汝儀字國正靳縣進士正德間知縣時盜賊甫平瘡痍未起里中流移不供賦役儀均差徭薄稅歛緩懷有道民皆來歸丁外艱去後擢監察御史

馬津字宗孔徐州進士正德間知縣惻軫無華崇儒重道



時宸濠亂奸徒橫肆殺掠津協謀士民倡義勵兵以遏水陸之衝濠黨婁氏輩不敢東下總制論功以津居第一擢監察御史

石簡字廉伯臨海進士嘉靖三年知縣立法嚴明敷政清肅以文章飭吏治遷儒學東山南隅水道淤塞簡捐俸率僚屬及諸生買民田鑿之功未就陞主事行李瀟然士民德之官至副都御史

周振字仲玉武進舉人嘉靖七年任多實政時水旱頻仍振隨戶賑給嘗苦霖雨步禱出郊雨自止又開新河民

饒州府志

卷之二十一

名宦

四十

壯五百人領值傭工功未就守司追其值多貧不能償者振自報罷廳事前槐木枯死三年復茂以爲德感甚豫字志行無錫舉人嘉靖十一年知縣性明敏雅重士類校士品第甚精舊時科舉五十人自乙酉減十九人至是豫白督學復舊額士人迄今思之

馮汝弼字惟良平湖進士嘉靖辛丑以司諫左遷知縣下車詢邑利害悉爲興革如攢造清縣虛米四百石洗剔積弊黠胥不敢爲奸捕鹽盜省供億培養人才校正朝祭儀節改主山樓藏板籍諸善政至今誦之

姜廷頤字以正巴陵人由進士嘉靖間知餘干廉正仁恕  
明作惇大斥繁縟崇節儉每公出不以坊里隨行餽送  
減省徵收稅糧令民自封自兌歲省羨近千金一時積  
弊革除殆盡四年間村無犬吠民無夜驚擢御史去老  
稚哭送不忍別官至兵部尚書

陰秉陽河南汲縣人由進士嘉靖間知餘干沉靜真實有  
古人風日之所爲夜必劄記嘗欲爲民請免越站苦役  
惜以內艱去未究厥施

陸鳳儀浙江蘭谿人進士明嘉靖丁巳知餘干遏豪旌善

饒州府志

卷之二十一

各宦

四十一

禁險猾胥復學宮于東湖校士拔其穎異者給饌聯藝  
親爲評閱革錢糧火耗酌量貧富以均徭役請罷邑訟  
獄不決者監司多以屬儀時過鄱湖遇盜諭以理法盜  
感歸命戊午督學試諸郡士萬餘卷屬儀閱未浹旬品  
第甚當內召給事中士民歌之有感化集及碑文

鄭繼之湖廣襄陽人明進士嘉靖丙寅知餘干端靜寡言  
慎然諾不尚聲華不悅人以非禮每出無里役隨行服  
食甘淡薄如寒素詞訟不下房科納銀令自封兌批委  
供擬親自裁奪差銀歲派親爲會計夫馬親撥不假胥

役小票不輕出山必親用硃書計日還繳左右不敢一言搖惑人稱鐵耳時條法新行立則編派輕重適均陞主事行李蕭然萬民遮留

張延熙廣西桂林人明萬曆時舉人知餘干堂簾清肅賦無煩科獄少寃滯民咸安之

姜應麟四明人明萬曆進士以庶吉士給事中左遷餘干為政均賦稅伸寃抑鋤豪猾修馬政築堤圩禮耆碩禁溺女以疾辭任士民競保留之制府問曰尹餘干先後兩姜優劣何如諸生對曰前姜通神明後姜去穢惡

饒州府志

卷之二十一

名宦

四十二

楊紹忠湖廣雲夢人明萬曆進士知餘干蒞治三載刑簡政清士民愛服

蘇萬姓湖廣人明萬曆舉人知餘干時水旱洊至民間絕食萬姓捐帑勸糶屢請改折民賴以蘇蠲火耗培士氣革奸胥旌善人清寃獄禁溺女其為政類如此

許時省浙江人明萬曆舉人知餘干清淨寡欲吏畏民懷王如春黃巖人明天啓進士知餘干值洪水汎溢蕩廬屋壞圩堤民鮮粒食如春出資賑濟上請減徵改折復捐贖備春築堤自龍津至壩口龍窟數十里卑騎督工既

成民稱為王公萬年堤縣堂久圯捐俸買居民其姓之  
屋而增新之民願以酒肉犒工者悉不受堂成榜之曰  
做官愛半文錢不值半文錢鬼責人非可畏為民留一  
分福便受一分福催科撫字宜兼去日民遮道號泣如失父母  
國朝張其郁垣曲人貢士順治三年任時土寇四起郁多  
方招撫賊多感泣投戈凡株連許告者概置不問援  
兵鴛鴦防閑以法繫子女在營立檄還之又值奇荒  
捐米施粥罷去民至今思之

江南齡浙江人戊戌進士康熙二年任廉靜清慎兵燹

饒州府志

卷之二十一

名宦

四十三

後首建聖殿置祭器邑舊有東山書院為朱文公講  
學地歲久傾圮復之每月兩課諸生親為評閱寒暑  
不輟縣誌曠廢八十餘年手自釐定遠搜博訪無所  
遺陞山西太原同知去之日所携惟圖書數十卷而  
已士民遮道送至府城涕泣不忍去

樂平縣

吳韓當字義公遼西令友人吳王命討平山越因置樂安縣  
以當為長甚有德後以功封石城侯遷昭武大將軍吳

樂平為樂安

唐柳尹和中尹樂平黃巢黨黃揆縱焚邑治尹拒巢不克  
死之民立廟樂安今廢

毛抗嘉祐間以大理寺丞知樂平著惠政熙寧七年為本  
路運使有愷悌之德官民兩立石紀頌遺愛

范錡熙寧三年以秘書知樂平宋興百餘年邑未有庠序  
錡既視事喟然曰邑之缺典孰大於此遂度地為之錡  
治邑有異政恩信洽民士民獻其績於當路當路上之  
聽復留三年以惠慰衆心

許幾字先之貴溪人元豐六年以推官知樂平初為三簿

饒州府志

卷之二十一

名宦

四十四

以廉幹聞考滿就畀縣事會朝廷變科舉制黜詞章崇  
經術士非所素習上太常率不第幾因熙寧建學增闢  
之日以經課士士歸指授為文率有法自是科不乏人  
其為政不以吏追民不以獄委吏視濬陂地為公務常  
與僚佐分任之至練塘則自任其功力浩穰也民德之  
刻石以紀治行為江東第一在邑七年後至戶部尚書  
王輔世崇寧元年知樂平以德服人政成訟簡民懷遺愛  
鄭如崇乾道間以右通直郎知樂平政平訟簡得上下權  
心重建縣廳六百五十楹内外一新民不告勞

徐本淳熙十六年知樂平廉能勤慎潛使真德秀薦章云  
愷悌之聲爲本路縣宰之冠

楊簡字敬仲慈谿人由進士紹熙三年知樂平病學宮陋  
且敞慨然曰是教化之原可一日緩乎示諭邑人相與  
新之語學者曰國家設學校所以養人材而進之科目  
非文具而已乃講吾道一章云人性至善至靈至廣大  
至高明人所自有不待外學有感其言而泣下者邑初  
有楊石二少年甚爲民害簡寘獄中諭以利室曰禍福石  
二感悟願自贖由是邑人皆以好訟爲恥至夜無警盜

饒州府志

卷之二十一

名宦

四十五

路不拾遺邑自夏徂秋積不兩年穀大損簡憂盜起講  
聚民之政以關郊內爲自任稍采鄉譽分鄉職曰糶曰  
貸曰濟次第具舉邑無可糶責之民廩邑無可貸請之  
倉臺邑無可濟移之上供歲雖饑而不害甫脫凶荒邑  
復大疫簡推求疵癘所從起爲禱誅數百言大旨使民  
自求多福因郡官督征乃援孟子受牛羊芻牧以告守  
不敢罪又行周嘗禁飲法斥侑飲官婢配之民民俗無  
敢犯者其教以孝爲首新饒娥祠像拜曰吾以教孝在  
邑三年用薦以國子博士召屢擢至寶謨閣直學士卒

謚文元

曹彥約字簡甫都昌人進士慶元五年知樂平嘗從朱熹講學歷建平尉以辰溪令知樂值歲霪潦且霜旱請之臺郡得米數千斛民賴以濟因閱稅籍嘆曰邑戶才踰三萬而是籍四萬戶客戶不與焉是詭挾也窮討弊源徹底澄汰徭役遂均會有詔夏序適中田折禾稿俾守令條所見彥約奏四弊皆以爲邑者爲上盡言詔付寬卹苟是年赦令多行其說樂平苗額合豁外爲石二萬四千有奇歲撥十二爲縣用淳熙中太守侵取之自是

饒州府志

卷之二十一

名宦

四十六

無以補綱解又前政楊翼之因事忤郡倅責經總制虛額縣計大窘彥約請還縣用免拋虛額虛額甚非守倅意而不能拒也秩滿以闕賦役者條而五之曰傳遠衆且侑之詩以告新令尹仕至兵部尙書謚文簡

晁公億嘉泰二年知樂平時饒娥祠未列祭秩請之漕臺因上聞賜額顯奉公億新其祠且買田以贍迎享政尙大體多類此

紀極嘉定六年知樂平謂鄉飲最闕風化明年元日帥耆老子弟行之間間雍雍紹興後此邑曠典也又明年春

復行之歲以歉告守令奉天子命兼濟泉穀極區畫有  
法爲部使者所稱又明年夏江東諸郡大水邑常樂安  
江之衝壅閼湮溢極命囊薪護堤行舟濟米民忘其災  
是歲飛蝗入境而不集人謂善政之應置漏澤園以葬  
死無歸者

黃闌景定元年知樂平直介不阿提刑翁合按部將以事  
坐之無可摘更加禮焉

元黎辰字

震

潼川金水人至元二十三年知樂平州平易

近民考滿流寓邑之誦家塘

饒州府志

卷之二十一

各宦

四十七

明胡惟孝

定

人洪武初爲樂平知州時明舉兵初克本州

百姓染舊俗蒙遺瘼尙未釋惟孝剛果沉毅侃侃有爲  
定規立法抑強扶弱威德並行州遂靖理適方谷華入  
寇一夕縱焚州治吏民驚潰惟孝拒之被擒奮罵不屈  
死之

屠毅洪武初爲樂平知州廉而有能

丁宜民新昌人洪武十五年知樂平剛明果斷蒞事有方  
戢吏奸恤民隱尤留意學校新文廟肖聖賢像又募富  
民貲新堂宇咸有茂績爲政識大體不苛刻且優詩學



陞戶部主事

曠彥溫黔陽人洪武十八年知樂平以廉自持於民無毫髮苟取倦倦訓民効勤夜潛行里巷紡績力作之家輒見褒獎而惰者競勸嘗夜過會民間飲者談劇舉所飲酒曰此曠知縣也蓋以酒清如彥溫之廉潔焉且諭之皆愕然在邑五年著惠政

張彥方龍泉人洪武間以給事中乞便養知樂平至則先飭學宮增廣齋舍提撕校課動以忠孝大節規之學者翕然宗之迎母孝養惟謹用建民範日引耆老咨民瘼

饒州府志

卷之二十一

名宦

四八

剗吏弊講惠政撫寡弱鋤強梁田稅力役舉有定則訟論是非判無隱情而蒐羅逸俊剗薦無或遺奏表節義以礪風化邑婦黃氏舅姑嘗見弑於悍奴經久事白僚佐以年遠經赦詔免之彥方判曰奴殺主與臣殺君子弑父同科赦未嘗及此卒置之法縣治南河漂汎公私竝涉乃立橋名曰文明上下稱便持已廉耐於瘠隙町種菜自給榜軒曰菜以儉訓俗野外靈芝叢生中使入境袖懷畀之以善政感驗興頌革除元年靖難兵至彥方樹義傳檄一邑響應部兵至郡武弁阻之張哭曰

天皇詔

云

勢將犯闕

中外臣民坐視予困苦而不救

乎凡文武吏士卽日勤土共除大難宗社再安予不敢忘報言已又哭曰君父在水火可一刻緩乎毅然發兵至江遇遊兵欲刃之彥方曰死何懼第有老母在願得面訣遂執回梟首邑門暴屍譙樓經暑月面如生無一蠅玷色父老夜竊首骸塋清白堂後士民哀之

謝鵬飛四川人景泰元年知樂平芟革吏弊獄無滯囚教民耕耨惰者有罰民懷之

金澤字用文山陰人景泰中以御史左遷新淦幕史擢知

饒州府志

卷之二十一

名宦

四十九

樂平始至與士夫講便民政務務以省費興利福民爲心以儒飾吏事以廉先民習政先其大者而庶事亦隨舉舉學校修葺有成績以政聲擢知山西潞州事

揭魁字士元內江人由進士成化中知樂平剛明機警發奸剗弊吏不敢欺讞訟果斷獄無滯囚門無私謁境內肅然卒於官

陳崇字德崇淮安人由進士成化間知樂平坦蕩明恕臨事不擾建譙樓創便民倉及吳口橋公私便之于學校尤倦倦月朔望淑諸生以經義孜孜講討無倦色邑婦

女俗習高髻鬢飾妨農功崇以榜示令易以髮又顯示  
民有生女不奇者罰之久之俗尚稍變為政不務赫赫  
聲而積有成功嘗憂旱執柳枝跣步禱雨得雨植枝於  
麻隙宦成遂芘芘拱把自記石士民比之甘棠陞南京  
監察御史

汪和字惟節餘姚人由進士弘治間知樂平簡默深沉不  
見喜怒臨事剛果敢為發奸摘伏內外肅然民有雄長  
一方而犯者寸紙檄之即平其風力服人多類此尋以  
憂去

饒州府志

卷之二十一

名宦

五十

張文應字廷鳳晉江人由舉人正德十一年知樂平愷悌  
慈祥政平訟簡釐奸革弊吏畏民懷修邑乘彰節孝當  
姚源甫定民疲兵火文應撫摩保卹以寬徭息衆為務  
父母之恩至今在人心有去思碑

龐尚鵬南海人嘉靖間知樂平振作人才轉移風俗建社  
學置學田葺譙樓嚴保甲擢御史至巡撫

黎楚字子立順德人由舉人嘉靖四十一年知樂平沉毅  
剛方廉明果斷時有惡少釀禍楚旌其首亂者十數置  
之法境內肅然邑舊無城楚承檄建築相士募夫規畫

一定如山不移故不踰年而城工告成政蹟具建城碑  
說

程沂字岱源咸寧人由進士隆慶二年知樂平振刷中又  
簡靜重學校賑饑止訟士民德之

鍾化民字維新仁和人由進士萬曆十一年知樂平以經  
術飾治以節儉維風緩催科勤撫字遺愛在人尤雅意  
作士擢御史民像祀之

金忠士號麗陽休寧人萬曆壬辰進士知樂平英敏有  
德威治務整大綱不尚繁瑣士庶興行人人咸知自愛

饒州府志

卷之二十一

名宦

五十一

建麗陽書院以造就人材一時儒雅蔚興翕然丕變至  
修舉廢墜建置橋梁七載勤拮操行有如一且巳亥行  
取三任巡按歷陞延綏巡撫都御史功績茂著後死於  
王事樂士民不忘申請祀之學宮云

國朝索景藻字二因蒲城人順治壬辰進士癸巳知樂平  
邑中甫離兵革瘡痍滿目一以寬大爲治蕩滌煩苛簡  
刑獄薄征徭一時民力賴以甦息且待士大夫以禮通  
度民以情喜怒不形譴呵不事上下蒸蒸向風號稱易  
治居官六載冰蘖自持後以勤勞歿于邑署家無餘貲

惟圖書數卷而已邑之老幼莫不為之流涕後祀名宦

浮梁縣

金安字日安京兆人乾符間尹浮梁縣值黃巢亂安徙民

溪東城南築險自守賊退又却鄭傳兵活人數萬因留

治之凡十有七年以功至檢校尚書右僕射昭信軍節

度使長子叔彥死於陣

府舊志載黃巢構亂安籍民兵委歛人鄭傳以障之民恃無恐

舊志載原邑人陳大綬曰按黃巢之亂為新安禦者鄭傳也為浮梁禦者金安也功各有在祠各有重其勢當

年不自相唇齒矣乃浮志載却鄭傳兵徽志又載金安據孤壘傳圍守尋獻地降俱唐臣也俱禦亂也有事相

藉事後相安何却何降故文存其舊而按稍駁之

饒州府志

卷之二十一

名宦

五十二

後梁劉仲昭南陽人以大理評事出知浮梁時陳旭黨叛

仲昭單騎諭之降既而軍有屠邑者仲昭為請於主帥

民德之立生祠朱郡換碑以紀之

張景修字敏叔常州人出進士元豐八年知浮梁興學尚

禮平易近人文藻推於時官終祠部郎中自號浮梁居

士

杜唐卿字興宗江州人紹聖初知浮梁嚴明獨操有善政

暇則詣學講論以作士風官至司農

郭候字同升祥符縣人以父任調游州東海縣尉權祥符

縣尉再調濱州招安丞又爲亳州蒙城丞令以鹽科邑民僨爭之不可郡守以僨丞鹿邑中貴人楊逢周率軍士二百人以捕寇爲名入邑境所至騷動僨檄逢周取所受文書逢周不與僨令尉譏察之逢周歸愬於徽宗詔逮僨赴開封府獄獄以狀聞乃使還任辟權咸平縣丞後通判全州權浮梁宰未行時有賊張頂花者已逼縣境衆止之僨曰安逸則就艱危則辭非我所學徑就道至縣約束吏士誓以死戰賊聞之僞降入邑爲變邑官竄伏僨曰吾爲宰義不可去端坐公署賊徒責僨僨

饒州府志

卷之二十一

名宦

五十三

大罵不絕口遂遇害詔贈承議郎錄其後人

范暉金華人紹興中知浮梁邑善訟暉道之以禮其風浸

移時經界法嚴暉斟酌十鄉田稅緩之以寬民德之

辛次膺字起季萊州人靖康間知浮梁

詳見流寓

甯尹字正孚青陽人紹興二十八年知浮梁告長老曰令

起農家耳備疾苦柰何使鞭朴苦無辜百姓爲耶其定約束與若守毋自刑也民歸相告曰無犯是若父母之於子矣相率趨令

劉三戒字戒之吳興人有時名淳熙五年知浮梁長於治

剝百廢具舉

徐暉玉山人淳熙六年知浮梁修學宮置學田餼士士祀之於學宮

劉名世宜黃人紹熙二年知浮梁爲政簡易與民安之嘗自題云槐影已高公事少蒲鞭不試訟閑多

趙與清臨安人開禧間知浮梁爲政以人才爲先增學田易祭器剝鄉賢祠講學行禮士風翕然後與徐暉並祀潘材括蒼人端平元年知浮梁以儒爲政興學訓士是歲預薦者十有三人士爲立生祠於學宮

饒州府志

卷之二十一

名宦

五十四

吳泳字叔永潼州人由進士寶祐間知浮梁歷官空軍器少監陞秘書丞兼權司封郎官兼樞密院編修官升著作郎時暫兼權直舍人院輪對言願陛下養心以清明約已以恭儉進德以剛毅發強毋以旨酒違善言毋以嬖御嫉莊士毋以靡曼之色伐天性杜漸防微澄源正本使君身之所自立者先有其地雖以是建久長安治之策可也他日入對又言內修謂袞職之闕官師之曠出令之所弗清本兵之地弗嚴直言敢諫之未得其職折衝禦侮之弗堪其任俱所當修火災應詔上對曰京

城之灾陛下見之而兵之慘吏之酷則猛於火矣閩困於盜湘困於水蜀困於兵橫歛之原既不澄於上包苴之恨又不絕於下內澗之形見矣遷秘書少監尋遷起居舍人兼權吏部侍郎兼直學士院疏言天運將變世道將降正人將去當執持初意封植正論隨才罷使各盡其分又言謹政體正道揆厲臣節綜軍務四事權刑部尚書兼修玉牒進寶章閣學士差知温州赴官道間聞温州饑至處州乞蠲租科降救饑者四萬八千有奇放夏稅一十二萬有奇秋苗二萬八千有奇病者復與

之藥事聞賜衣帶鞍馬改知泉州以言罷著有鶴林集郭郁字文卿大梁人皇慶末以江湘省都事來知浮梁縣善爲鉤鉅自方趙廣漢聘吳仲迂爲後進師士風丕變政爲江南諸邑最風謠云桃李陰陰六萬家下車民不識州衙甘棠喜有千年政美玉終無一點瑕官終福建都轉運使

萬聚泗州人至元間知浮梁縣恤民興學百姓安之嘗謂家人曰民頗德我死必塋我於斯後或有思我者尋改知茶陵卒子孫如言還塋治東



明李庸或云淮人洪武初爲浮梁知州時初歸附庸招撫  
流亡闢田野通貿易于光部曲橫恣每裁抑之民賴以  
全

王文德盱眙人洪武初爲浮梁知州已酉改縣卽以文德  
爲知縣寡欲勤政時法尙嚴峻文德乃正版籍以均力  
役覈田畝以平稅賦興學校以敦孝弟民到於今稱之  
莫閔字景文蘇州人工詩文精算數洪武中知浮梁以政  
事自見云

王斌字文強利津人洪武三十三年知浮梁剛毅明敏莫  
饒州府志

卷之二十一

各宦

五十六

能于以私而遇事立辦竟日嚴坐公署邑豪病之終知  
府

曾鼎一名真保

字文鼎由進士宣德元年知浮梁儉約平易政

務便民暇則遊山水吟哦竟日忘還鄉有水莽毒草民  
多自服相誣鼎反坐之其風遂息活人甚多九年以乞  
留復任二年去民思其德立祠祀之

趙應晉江人正統間知浮梁愛民好士民有疾病躬往診  
問與之藥多愈凡里胥生男必命報餽湯餅滿九年民  
奏留加六品俸復任九年則所生男能應役矣輒喜曰

此嘗餽我湯餅者真猶父子也暨去民泣留不舍  
翁文魁蘭谿人由進士弘治六年知浮梁性耿直清節自  
勵而政尚仁恕民德之

孔僖字彥和安陸人由進士嘉靖間知浮梁爲政宜民有  
冰蘖操加意積蓄以備凶荒庚子邑災民甚賴之以改  
調去民思不已

汪宗伊字子衡崇陽人由進士嘉靖間知浮梁清耿有治  
才至則定賦役申鄉約旌孝節釐奸剔弊不遺餘力其  
諸祠倉侵地在豪有力者之家悉按復之營造如故而

饒州府志

卷之二十一

名宦

五十七

邑故尚鬼則毀淫祠一百餘以抑之又爲飭學宮鑿泮  
池核正名宦鄉賢之列祀石時時講課士賴以興令行  
禁止吏民敬憚勢豪武斷父諸惡少無不凜凜屏跡風  
俗人心爲之一變萬曆間起用至南京戶部尚書乞歸  
在浮梁稱循吏之最前後必以宗伊爲首稱云

阮至應天人由進士嘉靖二十四年知浮梁築北湖開南  
路興學革弊申止割都歸無餘囊

朱景賢字範之岷山人由進士嘉靖三十年知浮梁仁惠  
有政聲民不敢犯然服官以來未嘗有論一死戍者及

入覲又革糧長例錢數百金去之日吏民懷之有去思碑

蕭奇動字懋建莆田人由進士嘉靖三十六年知浮梁廉明無私吏不敢欺修學作士緝盜安民蓋治以嚴勝令行禁止邑故無城郭建築甚勞而一時不擾後世永賴他若均力役却例錢善政可紀者多民懷而祀之

黃應坤字惟簡歙縣人由進士隆慶三年知浮梁清廉慈惠民視之如父母無不法之情而吏畏其操介凜如神明宿弊爲之盡清疾言清色終日不見庭有餘閑獄無

饒州府志

卷之二十一

名宦

五十八

滯訟其請改置陞馳路尤爲永遠便民任九月以憂去民攀留不得立祠祀之官至御史大理寺卿

李際春武進人由進士萬曆二年知浮梁嚴毅廉介不畏強禦孳孳爲民利病如其家事前任令政以賄成居間者亦公行際春至而清風凜于上干求絕于下民賴有天嘗書公署曰視聽自民視聽饑寒猶已饑寒蓋自寫其心云臨行蕭蕭囊無路費家僮帶署中一竹簾越境知之擲還後再令黃陂廉如令浮樁以目瞽還里其里中正人服其清德爲領袖焉

葉逢時歙縣人由舉人萬曆三十七年知浮梁慈愛清謹去之日行李蕭然市人田夫無不憐之其為官徵官解一事苦心興利除害猶為民思

國朝婁維嵩字中立直隸人由進士順治七年知浮梁時值兵火之餘居民落落晨星維嵩設法招徠之浮漕萬餘石每石徵折色伍錢令里民赴會城採買後以米價騰湧吏緣為奸累及里民殊甚維嵩詳徵本色且捐貲建倉民賴以甦編審則汰逃亾者萬餘口勘田則除實荒者二千餘頃種種善政精明仁愛士民謳思之至今

饒州府志

卷之二十一

各宦

五十九

勿替焉

主臨元 字戒初山東聊城人辛丑進士康熙九年任精明強幹吏胥無所容奸下車未朞百廢具舉十二年奉

旨修誌鉅細咸親裁焉不數月而書成十三年七月廿二日殉難自縊事 聞贈江西按察司僉事

張芥仲 字砥輯山西陽城人丁未進士康熙十五年任時寇盜盤踞侯隨大兵進勦十二月復縣城招撫流亾給發牛種安集窰戶明年以丁缺田荒條文申詳

奉

旨本年征四免六至二十年以漸復額又值夏旱請賑請蠲民咸德之善政多端以卓異薦積勞成疾卒于任

德興縣

張謹蜀人治平間知德興慈惠孚洽民安其業頌之曰張侯張侯數政優游民樂其業禾麥有秋

黃誠豐城人政和間知德興通經術尤精吏事民有隱奸一見輒得情且肫肫撫以善意民畏而愛之

李舜臣字子思并研人乾道二年進士時朝廷旣罷兵而

饒州府志

卷之二十一

名宦

六十

爲相者益不厭天下望舜臣對策論宰輔大臣不當以奉行文字爲職業考官惡焉絀下第調邛州安仁縣主簿歲大侵饑民千百持鉏棘大呼響震邑市令懼閉門舜臣曰此非盜也何懼爲亟出慰勞遣<sub>之</sub>教授成都府

時虞允文撫師關上辟寘幕府用舉者改宣教即知德興縣專尙風化民有母子昆弟之訟連年不決爲陳慈孝友恭之道遂爲母子兄弟如初間詣學講說邑士皆稱蜀先生罷百姓預貸償前官積逋踰三萬緡民病差役舜臣勸糾諸鄉以稅數低昂定役期久近爲義役期

年役成民大便利銀坑罷雖久小戶猶敷銀本錢官爲  
償之天申大禮助賞及軍器所需皆不以煩民幹辦諸  
司審計司遷宗正寺主簿重修裕陵玉牒尤邃於易嘗  
著本傳三十三篇朱熹晚歲每爲學者稱之所著書羣  
經義八卷書小傳四卷文集三十卷家塾編次論語五  
卷鏤玉餘功錄二卷贈太師追封崇國公

許宋史

曾光福建人乾道間知德興政尚寬平首以延禮師儒作  
興學校爲務增廣學舍一時士類咸賴有成  
俞焯浙江人至正間知德興廉介剛明民懷吏畏以秩滿

饒州府志

卷之二十一

名宦

六十一

去民遮道攀留

辜臯江夏人洪武初知德興元季兵亂百度俱廢臯闢草  
萊被荆棘而治宣布號令招撫流亡會寇竊發集民兵  
保障民賴以安時宣使譚章來講銅利役民力臯蠲其  
雜徭民弗病至丁未銅泉竭冶戶多傾貲補官課臯曰  
坑冶之利非人力所致今泉不力而課額若是民何以  
堪遂奏罷之創學舍葺壇壝觀聽聿新禮教復與民始  
知有太平之樂焉

趙濬恭定海人永樂中知德興時民死於疫田疇多蕪濬

恭計口授田令一夫兼二夫之業籍民力強弱爲三等以定差役歲大旱恭自貸於富室約秋成償之民免於饑性狷介其妻以家冷諷之怒曰汝不學糟糠妻欲富貴乎卒於官民頌之曰前有辜父後有趙母

吳繹思莆田人成化間知德興清介以文學名爲政專務愛民懲吏弊均徭役勸農桑井井有條理尤注意學校重葺廟廡琢石爲成德達材二坊去後十年民思之立碑以紀其績

鄧祀蜀人成化間知德興鋤剔強梗撫安羸弱民立德政

饒州府志

卷之二十一

名宦

六十二

碑以配吳繹思

趙德剛閩縣人正德間知德興性明敏卓特不阿權要凡民利害輒以身當之甫下車值姚源寇至邑無城可守伐木爲柵與賊角時憲使統兵捕賊不敢進欲以金錢啗賊趙謂民困安可重歛遂身入賊巢諭以義因被執乃與老人蔣喜以計脫又以老人余有輝質誘致賊黨數十人戮之賊引去歲大饑蔣喜遣人疏懇于朝力陳疾苦得蠲三年賦八千石又得賑金七千八百餘兩民始獲甦邑人有謀縣治山爲先塋者兩上疏斥之縣賴

以全令前後值兵荒爲力甚難卒能外却強寇內撫瘡  
夷民稱其功與辜開創者埒去後五十年民思之不置  
因立碑頌德焉

劉秉仁大冶人貴州衛籍嘉靖二十七年知德興裁積弊  
息盜風興士類抑豪強明敏練達庭無滯獄擢工部主  
事民立去思碑

許公高四川南部人嘉靖三十一年知德興性廉介任法  
不阿鋤強緩弱釐弊摘奸吏民畏服嚴於緝盜幾無孑  
遺民間夜戶不閉奉檄建文廟綜理有方民勸於義輸

饒州府志

卷之二十一

名宦

六十三

材趨事不倦復請置學田立范公祠邑制煥然一新時  
有白鹿白兔之祥公高爲詩紀之性儉約如寒素至饗  
祀賓興極意豐腆于上官禮節隔容饋遺則節省亡溢  
承焉曰吾何以民脂博名高也有部使者過公高不禮  
寄宿民舍使者不爲恨且題詩民間曰耕山釣水無他  
事賴有賢官不索錢其見服如此擢大理寺評事民立  
廟頌之

何鏐泰興人萬曆二十一年知德興性廉介恬靜任法不  
阿尤精九九之術錢糧掌中立算吏胥無所售其欺每



催徵卽籍中登記稍有羨餘召納戶還之兩造在庭一  
訊立剖不假手書吏六曹爲虛過客館穀之需持錢貿  
易市肆中無半菽一縷派及編氓亡疆外之交束帛之  
饋邑界三省故多盜盜入民廬爲保甲獲捕兵捕官持  
盜金爲耳目靳免鑠竟窮治盜爲衰息庫藏法馬民間  
斗衡歲時校定建興賢書院課青衿捐俸百餘市田餼  
之歷五載如一日以艱去卒於家民哀思之

劉繼吳壽州人明進士天啓間知德興仁慈恬淡雅意作  
人任興六年士民沐化俗尙禮讓計最擢禮部主事

饒州府志

卷之二十一

名宦

六十四

國朝郭振鷺山西人由舉人順治三年知德興時民苦兵  
亂流亾池鄉市里蕭然鷺嚴爲禁禦竭力招撫殘黎始  
歸又值大饑民多殍死捐俸施粥并勸富民助賑活者  
甚衆民咸德之

杜暲陝西人由拔貢康熙四年知德興清操自矢嚴革宿  
弊除火耗禁苛索凡陋規雜派悉汰積習爲之一清民  
方望澤惜任二年以病卒於官旅襯無資士民爭爲輸  
助以贈其歸至今思慕焉

安仁縣

鮑琚字德彰浮梁人由進士官和間知安仁時福建勤王  
兵謀亂琚以大義諭之召除軍器監使鈞考東南財賦  
琚收分閩兵入置宿衛遷右司員外郎進直敷文閣知  
鎮江改廬州兼淮西安撫使

蔣靜字叔明宜興人由進士政和間知安仁公明正直博  
學善詩時俗好巫疫痢流行病者寧死不服藥公悉  
論巫罪聚其所事淫祠三百像投諸江右遷國子司業  
進祭酒後爲大司農出知洪州復告歸加直學士贈通  
議大夫

詩宋史

饒州府志

卷之二十一

名宦

六十五

李琛平鄉人舉孝廉洪武間知安仁平易愷悌遇百姓如  
家人民感悅願趨事守教令囹圄幾空凡廢典悉舉考  
最擢化州

邵真餘杭人洪武間以御史謫知安仁執持不變撫字有  
方轉吏部郎中

曹閻字子餘福州人由進士永樂間知安仁修舉敝廢境  
中稱治

項備字如兼瑞安人由貢士正統間知安仁精于吏事陞  
工部主事

高堊字德滋長樂人由舉人嘉靖間知安仁聰明才察忠信勤敏求善下士卒於官人咸哀之

蕭時中號斗陽永安人嘉靖間知安仁平易近民勤於課士鑿渠灌田十一都民永賴之

謝汝韶長樂人由舉人隆慶間知安仁居官勤恪治民廉公權無旁落佐屬凜威首奉條編盡革常例發奸摘伏節用愛人改學宮奉鞭法刻錦江政略永爲治規立文會中聖諭迪民行買辦平價支給以時民爲立碑宜舉

各宦

饒州府志

卷之二十一

各宦

六十六

徐存德蘄水人由進士萬曆間知安仁平易近民謙冲禮士剔奸刷弊政興務舉甫暮年改調仁和百姓流涕

尤拔俊浙江崇德人由鄉舉明萬曆間知安仁安邑土地瘠隘當水陸要會民苦差繁候下車首爲甦之徵比以撫字爲本庭鮮敲朴野絕追呼然民懷其德亦無抗頑逋賦者更留心造士因邑庠數科不獲雋乃相度形勝拓城於泮水之前開雲錦門以納山川之秀由是登賢書者二人後遂科名蔚起矣政成入覲舟過湖口見權稅厲民爲虐甚烈到京卽抗章罷止之蓋侯非百里才

故軫念民瘼復遍及商賈其他興利去害善政有未易  
殫述者去之日士民肖像祠祀之至今歌尤父云

熊兆禎字善符江夏人起於明經而學識有本聽斷如流  
待民寬而防患密凡增城建學諸大務釐然具舉蒞任  
七載平易淡簡之風久而益親真不愧父母之稱矣左  
遷審理而去囊篋蕭然無論士子不忍失卽販夫牧豎  
皆感泣羅拜舟前安令自尤侯以來所僅見者耳

國朝王珩陝西人由貢士順治間知安仁慈祥愛民溫恭  
禮士際前令束濕之後獨尚樂易闔邑殘黎猶離湯火

饒州府志

卷之二十一

名宦

二十七

而登祚席也乃急流勇退力請致仕去之日士民繪圖  
爲別泣盡而繼之以歌嘯愛戀極一時之盛事焉

史紀夏字澄齋江南宜興人英姿卓犖和氣煦人絕不以  
少年高第恣睢驕傲性聰敏不瞰察爲明無留牘亦無  
冤獄征比寬而有法胥役有侮文以作奸者卽爲摘發  
人無敢欺蒞事甫半載政聲已著惜遭時不偶未竟其  
才士民至今稱之

程瀚字瞻菴土元人由進士知安仁縣嚴毅清介人不敢  
干以私愛民如子催科中能寓撫字民感其德咸輸將

恐後鮮通賦焉邑聯撫界有東鄉寄庄爲官民病者數百年矣漸至賠償抵解以副考成復爲經久計迺申詳各憲立寄庄單頭分戶取保同本邑徵比自是邑民無代賠額賦之苦卽寄戶亦免頑抗之累其他釐剔奸伏令行禁止絕贖緩却例錢蒞任九載始終一節謂當不次擢用大展厥才乃竟疾卒於官貧無以殮遠近聞者咸哀痛之

黃家遴廣寧人癸卯舉人康熙十二年二月任侯天才英敏吏不能欺兩造至廷片言立決卽時發遣去無不厭

饒州府志

卷之二十一

名宦

六十八

服并未嘗困以罰緩案無滯牘獄無淹囚士大夫不敢干以私防兵驕悍一繩以法終侯之任營伍歛戢尤恤民財力正供之外毫無所派值取豈料解省未用侯悉給還民胥役一無乾沒十三年福建叛廣信守將以城附之安仁逼處下流怯弁遁去民鳥獸散侯獨率家丁力保孤城民恃以安弋陽貴溪半爲賊黨而安民獨能固守者皆侯之忠愛素孚有以勵之也尋詣省請大兵進勦初至見安民各保聚主帥疑其伏莽也將加兵焉侯涕泣力保安民非畔帥爲歛威四鄉百姓聞侯至踴

躍懼迎牛馬負擔以餉王師者百里不絕帥大喜安仁  
數萬生靈得免玉石之焚皆侯保護生全之力以隨征  
督餉功陞南昌府同知今任本府知府

侯弘基陝西三原人進士乙卯丙辰之亂城爲賊踞甫恢  
復而侯抵任衙舍民居焚蕩無遺侯居瓦礫中勞來招  
集民漸次還定結茅以居忘其亂離也徵糧除去火耗  
盡完正供或且不辦笞至十餘輒垂涕有民失金疑同  
舍少年訟于庭侯置不問遽出金償之曰人方年少可  
自新若成其竊終身不齒矣以暇修建衙舍創仁裕倉以

饒州府志

卷之二十一

名宦

六十九

備國儲歲大饑號賑于庭者日千餘人侯慟哭慰撫爲  
那借官銀計口賑給勸紳士里民共助全活甚衆民忍  
饑而不爲亂憂勞成疾六月暴卒百姓如喪考妣真古  
之遺愛哉

萬年縣

陳攬字約之寧海人始丞鄱陽分營駐劄與賊穴密邇選  
卒驍勇夜劫其營而焚之後陞知萬年正德九年去官  
楊清字師猷山陰人由舉人明正德十年知萬年事多創  
始縉乎有爲政務更新歸然可仰陞蘄州知州

唐伯元廣東澄海人由進士

萬曆間知萬年縣篤行躬

修實心講學者故其筮仕之政馭吏待士聽訟化俗一以

古道行之惜以邑小調繁泰和縣未終其施歷官至吏

部郎中蓋近時稱立朝正直君子洵爲一時之名臣云

吳僑富順人由舉人

萬曆間知萬年因前令弗宜民政

多紕僑能濟苛以仁更絃易轍解民懸而登之衽席士

則優禮作興又蠲俸構石橋于城西大河名曰治平後

改五星所費不貲毫無取于民迄今人利之陞延平同知

方岳朝穀城人由舉人

崇禎間知萬年性耿介人不敢

饒州府志

卷之二十一

名宦

七十

于以私士民懷之至胥隸皆歛衽悚息陞南京兵馬司

指揮使轉工部主事員外戶部郎中聞弟岳貢有殉難

之訃卽解組歸士民懷之

國朝汪之禎休寧人由舉人順治間知萬年才猷練達出

之以愷悌造士能分青白眼懲縣糧積逋編審丁糧適

均割比甲戶而里催免於徧累奸胥不致詭漏賦額甫

清以舊逋削秩行李蕭然回籍猶以任欠追賠士民感

而惜之

秘汝煜晉州人由舉人康熙二年知萬年徑執自矢一塵

不染征糧畫木差傳催鄉無胥役之擾訟理其冤小則  
槩逐之在任歲餘政簡而民安後以疾卒士民贈送以  
歸

### 教職

宋葉義問字審言嚴州人建炎進士為饒州教授攝郡歲  
旱以便宜發常平米賑民知江陵不避檜所親卒役之  
為檜罷去檜死復盡劾罷檜黨後遷吏部侍郎同知樞  
密院事第素不習軍旅聞金兵至乃失措遂力請退隆  
興中辛次膺論其頃護諸軍幾至敗事且以官私其親

饒州府志

卷之二十一

名宦

七十一

謫饒州

洪咨夔字舜俞於潛人嘉定進士授如皋主簿尋試為饒  
州教授作大冶賦樓鑰賞識之授南外宗學教授仕終  
刑部尚書翰林學士制稱鯁亮忠懇史論其直道正言  
林畧字孔英永嘉人慶元進士歷饒州大寧監教授辟幹  
辦四川茶馬司公事崔與之帥蜀目之曰此臺閣之瑞  
也薦遷博士終端明殿學士同簽書樞密院事

詳宋史

明

陳文

福建人

萬曆二十三年為饒州教授心地長厚待  
士有恩禮捐俸課會却贊助貧陞南京武學教授臨去



士多涕泣勒石學宮

國朝歐陽夢麟宜黃人甲午舉人康熙十七年任爲人恬靜寬厚言行不苟學博詩工教士則先氣質課文必尚典雅一時諸生莫不自愛蓋其所造就者匪淺鮮也秩滿擢香山知縣

明蕭萬安人萬曆三十年爲饒州訓導忠實和易接士恂恂每以清操恩禮矯僚友熊某之偏刻士感恩之

元方南一貴溪人延祐間爲餘干州教授少從謝枋得游以舉遺逸出任爲人耿介學問博瞻重修文廟門廡庖

饒州府志

卷之二十一

名宦

七十二

廩俱備作教授廳嘗攝州事人服其公居八年陞婺源州判官

李桓字晉仲金陵人至順間爲餘干州教授有行能文恪謹記事閑居飭冠帶誦經史士之從遊者衆秩滿致仕熊明可宜州人延祐間爲忠定書院山長博極經史尤長於詩學者多從之遊

宋祝蕃字蕃遠上饒人延祐間由鄉貢進士授南溪書院山長性剛介潛心理學所至有聲後爲饒州路教授至潯州經歷

明鄭三德僊遊人弘治間爲鄱陽教諭性孝友爲教以身率人不拘拘條貫士貧乏捐俸調之有犯不校德器溫淳見者感化

陳時伸上元人由舉人爲鄱陽教諭能詩字字得蘇法待士有恩而教規嚴肅與邑令曹棟爲同年相接以禮絕無干求士論高之

國朝趙曰冕字子服新建人以丙戌鄉薦順治己丑署學事時承喪亂之餘諸生呈誤者不少曰冕居心平恕於善類多所保全暇日惟以文義自課兼以課士一時士

饒州府志

卷之二十一

名宦

七十三

習彬彬壬辰成進士去任服其教者久而不忘

游爲龍臨川人辛卯鄉薦庚子冬任諭職爲人渾然天機無論接士以誠卽對流俗人言必披肝胆以相示至其澹泊自甘一塵不染尤制行之矯矯者會以公事抵豫章疾作歸未及至而卒

胡儼字若思南昌人由舉人洪武間爲餘干教諭學優文贍律已正人以師道自任秩滿擢翰林檢討官至國子祭酒晉太子賓客卒於家

吳鑑武陵人正德間爲餘干教諭行誼方介軫念寒士以

疾致仕諸生惜之

宋沈應徵嘉定人由舉人嘉定初為餘干教諭優獎後進士

咸敬之開河建學皆與有勞陞懷安知縣

李世浩平和人嘉靖間為餘干教諭學優行潔與諸生講學外習冠儀講昏祭禮諭禁禱謁俗惑捐俸倡率開河天觀寺廢田并港畔餘田白邑令以資課費在任五年陞寧波府教授

郭智福建晉江人嘉靖甲午教諭餘干器度深沉文學優贍及門諸士多所造就陞徽州府教授

饒州府志

卷之二十一

名宦

七十四

楊格福建連江人嘉靖甲午訓導餘干襟度軒豁氣節豪邁尤長於詩士類咸服陞曲阜教諭

陳翔鸞福建侯官人經魁萬曆時教諭餘干學富才優儀型多士月課不違

張株吉安人萬曆時訓導餘干行芳志潔簡牘不入於縣課勉多士士永懷之

曾世臣豐城人萬曆舉人癸丑教諭餘干文行足師接見諸生講課無倦

林賜長樂人以解元永樂間為樂平教諭學問該博師範

端嚴教誨不倦士子有山斗之望得共題詠者迄今寶之

黃伯川餘姚人由舉人成化間為樂平教諭學博善教諸生畏服陞建陽府教授

劉正隆莆田人由舉人成化間為樂平教諭端師範嚴考課動以古道自持養士有成績邑有古道耆儒必請門折節下之累遷國子博士

鄭賢龍溪人由舉人為樂平訓導學窮義理職盡誨導四方仰式

饒州府志

卷之二十一

各宦

七十五

元班惟志字

彥功

大梁人少穎異工文詞善篆字鄧文原舉

補浮梁州學教授晉州判暇則延名士遊廢詠無虛日而政亦舉時稱之歷集賢待制江浙儒學提舉

明王省字職由舉人洪武中為浮梁教諭以節勵士後改山東濟陽靖難兵至省坐明倫堂伐鼓召諸生謂曰若等知此堂何為名且勿多說只論君臣之義何如省大哭諸生亦哭省遂以頭觸柱死

林岳慈谿人由舉人成化間為浮梁教諭有儒範博通羣籍文章之美為時所器而尤長於詩學者宗之

包瑜青田人由舉人成化末爲浮梁教諭操嚴以尊其道  
嚴立教條味爽登堂諸生環立聽講多所造就所著有  
周易衍義春秋講義通鑑序頒行於世

蘇範順德人由舉人弘治間爲浮  
教諭經明行修教以  
行誼爲先而本之身心至今稱善教者

陳宗德字伯修攸縣人由舉人嘉靖間爲浮梁教諭模範  
可宗明理學督學徵教白鹿洞嘗畫市塘租以供學費  
士久賴之

艾能字以學金壇人由舉人成化間訓浮梁嚴毅剛正言  
饒州府志  
不及利

卷之二十一

名宦

七十六

徐冠字士元涇縣人由舉人弘治間訓浮梁才性豪邁有  
時譽爲文章奇瑰豐贍揮毫立就較文山東拔士得人  
陞知都昌先與教諭蘇範同任稱善教者必曰蘇徐先  
生

張欽訓僊遊人嘉靖間訓浮梁性正大有文名諸生嘗有  
貸者分祿與之獨居五年不攜妻子陞化州學正

劉清泰州人由貢生萬曆間訓浮梁學有識解以爲道寓  
諸庸嘗題壁曰琴到沒絃應寡和笛如無孔豈容吹一

日聞家患水趣裝而行弟子圍留揺手曰士各有志無  
久苦我遂去弟子爲之立碑

竇鉞武昌人景泰間爲德興教諭學識醇正操行端方正  
已以率人士風爲之不變通志

廖梯莆田人正德間爲德興教諭學有源委教人先德行  
而後文藝後登進士

吳紳莆田人由舉人嘉靖間署德興教諭操行醇潔倡明  
理學其學以主靜爲本居堂舉胡敬齋居業錄授士嘗  
曰學須看未發以前氣象十要做死而後已工夫因築

饒州府志

卷之二十一

名宦

七十七

君子臺講學其中視篆安仁首葺胡敬齋祠典試浙闈  
所識拔皆名士羅文恭公以爲善教賦詩贈之所著有  
四書講義

國朝吳用字赤北南城人由歲貢順治十三年訓德興博通經

史文藝高古嘗自期遠大課諸士每以大成爲最士  
多所造就焉後陞金谿教諭

傅羨字齋仲金谿人由歲貢康熙二年訓德興崇道博學  
言動端凝凡開示後學寒暑不輟一時士林相慶得師

云

明林莆田人由舉人宣德間爲安仁教諭博學尚行造處

良多

王變字汝和桂林中衛人正德十年教諭萬年開設學校

第一官也相制經畧以垂永久與有功焉以上學職

縣佐貳

明張泳字思濟武進人宣德間以儒士授鄱陽丞時旱荒

饑死滿道泳發預備倉以濟復傾私橐糶米煮粥請耆

老黃振宗主其事時振宗年一百四歲矣其施粥凡一

月民得飽遂泳徇詣鄉落召集居民視菜色甚者勸有

饒州府志

卷之二十一

各宦

七十八

力家分養之助以官穀不足發大有倉巡撫趙新卽

從之得米八千餘石驗口賑和賴以全活者甚衆又力

懇蠲租獲免二萬石民甚德之

陳豐可池州人授鄱陽丞清介不苟同時邑令或尚刻覈

豐可從傍以寬恕喻之大守靜涵張公察其賢委以聽

斷多得其平後以遷代去民頗思之

唐彥字俊之睦州人咸通時丞餘干明練有度性稍遲鈍

始至人以愚目之無何懲貪後平冤獄境內肅然明年

有嘉禾之瑞

宋<sup>黃</sup>堅字魯直分寧人讀書數過輒成誦舉進士治平間

簿餘干公暇引生徒講論禮樂俗日以化文彥傳器之

蘇軾見其詩文以超軼絕塵世久無此作軾為侍從舉

以自代其詞有環偉之文妙絕當世孝友之行追配古

人語後知太平州尋罷庭堅學問文章天成性得蜀江

西君子以庭堅配軾故稱蘇黃自號山谷道人詳宋史

明李節梁陽人由歲貢嘉靖間丞餘干性耿介尚氣節以清

苦自甘不阿媚權要

邵琦由例貢萬曆丁巳丞餘干時水災異常琦具詳道司

饒州府志 卷之二十一 名宦 七十九

有云陳澎湃之洪波懷襄再見訴流離之苦楚安輯莫

施情詞愷切當道動色發賑士民至今稱之

宋<sup>孟</sup>應明淳熙八年丞樂平值新守趙廣逼坊塲積負孟明

投書切諫指霑潦歸咎郡政守為之慙沮秩滿被旨堂

審除刪定累遷吏部侍郎

湯鑄淳祐九年丞樂平宋制丞以教導繫銜然相承文具

鑄獨孜孜焉飾學宮嚴立課程以振士習受教者名塗

相踵佐邑政有廉幹譽時長官昏且耄鑄裨贊居多

明張謙山人洪武十八年丞樂平正直剛果持已廉潔佐



政惟勤惟敏民懷惠愛

宋

陳漢

字德廣開封人由進士祥符間丞浮梁占籍上西知

彭州蜀州直敷文閣知蘇州請祠擢江東轉運使急於利民嘗奏免饒之敷金錢鄙之鐵炭錢移夔路安撫使周偉德祐初丞浮梁乙亥二月元兵焚邑治范相走或勸之避偉嘆曰以守無城以戰無兵柰何然受人之命而不爲其事非仁也食人之祿而不死其難非勇也卒死之

元楊載字

弘仲

其先居建之浦城後徙杭因爲杭人少孤博

饒州府志

卷之二十一

名宦

八十

涉羣書爲文有跌宕氣年四十不仕戶部賈國英數薦於朝以布衣召爲翰林國史院編修官與修武宗實錄調管領係官海船萬戶府照磨兼提控案牘延祐初仁宗以科目取士載首應詔遂登進士授承務郎饒州路同知浮梁州事遷儒林郎寧國路總管府推官以卒初吳興趙孟頫在翰林得載所爲文極推重之由是載之文名隱然動京師凡所撰述人多傳誦之其文章一以氣爲主博而敏直而不肆自成一家言而於詩文猶有法常語學者曰詩當取材於漢魏而音節則以唐爲宗

自其詩出一洗宋季之陋載與楊剛中同以文鳴云元時  
為判  
同

明陳登字思孝長樂人由徵薦洪武末丞浮梁性謙謹善書

而尤工篆隸甚愛民時房安為按察使以嚴見憚獨禮  
遇登擢入翰林進中書舍人以書名天下

汪進開化人由監生洪武末丞浮梁通敏廉介定徭役正  
版籍諸凡宿弊剗削一清時巨盜潘臘生余回祖等聚  
劫進捕殺之殆盡拜工部主事終負外郎

嚴爾泰貢士 人浮梁縣丞為人清介自持苞苴不入

饒州府志

卷之二十一

名宦

八十一

真所謂予不負丞者

宋程迥字可久江寧人家於沙隨隆興元年進士歷揚州秦

與尉郎調德興縣丞盜入縣民齊躬家平素所不快者  
皆骨結逮獄州屬迥決禁囚辨其冤者縱遣之躬訟不  
已獲盜寧國躬猶訟還所縱之人迥曰盜既獲矣再令  
追捕或死於道路使其骨肉何依豈審冤之道哉唐書  
宗時縣有程氏女其父兄為盜所殺因掠女去隱忍十  
餘年手刃盡誅其黨剗其肝心以祭其父兄迥取春秋  
復讐之義頌之曰大而得其正者也表之以英孝程烈

女改知隆興府進賢縣省符下知平江府調上饒縣奉  
祠寓居番陽之蕭寺程祥者從伯父待制昌禹來居番  
陽昌禹死遂失所依祥繼亡祥妻杜氏猶質賣奩具以  
撫育孤子久之罄竭瀕死隣家皆莫識其面有欲醮之  
者杜曰吾兒幼若事他人使母不得撫其子豈不負良  
人乎終辭焉或爲廻言其事廻走告於郡守月給之錢  
粟廻居官臨之以莊政寬而明令簡而信綏強撫弱導  
以恩義積年讐訟一語解去猾吏姦民皆已感激久而  
悛悔欺詐以革暇則賓禮賢士從容盡歡進其子弟之

饒州府志

卷之二十一

名宦

八十二

秀者與之均禮爲之陳說詩書質問疑難者不問蚤暮  
勢位不得以交私祠廟非典祀不謁隱惡讚善無問幽  
明皆表而出之以勵風俗或周其窮阨俾全節行聽決  
獄訟期於明允凡上官所未悉者必再三抗辨不爲苟  
止廻嘗授經學於岷山王葆嘉禾聞人茂德嚴陵喻樗  
所著有古易考古易章句古占法易傳外編春秋傳顯  
微例目論語傳孟子章句文史評經史說諸論辨太佺  
補贊戶口田制貢賦書乾道振濟錄醫經正本書條具  
乾道新書度量權三器圖義四聲韻淳熙雜志南齋小

集卒官朝奉郎朱熹以書告迺子絢曰敬維先德博聞  
至行追配古人釋經訂史開後學當世之務又所通該  
非獨章句之儒而已曾不得一試而奄棄盛時此有志  
之士所爲悼歎咨嗟而不能已者然著書滿家足以傳  
世是亦足以不朽

詳宋史

王貴行蜀人咸淳間承德興時元兵掠饒郡倖常福以城  
降屬邑皆望風款附獨貴行不屈曰吾幼學壯行惟忠  
與孝乃竟赴天門水死

槩似珪其初歛人皇祐間由文學舉歷官戶部郎以詩餞

饒州府志

卷之二十一

名宦

八十三

唐介有一封遠謫君恩重萬里遙瞻王殿寒之句執政  
聞而惡之黜尹建陽遂萌隱志復題蘭詩云不來上苑  
呈嬌色且向幽軒養素心再黜德興邑丞勵行勸士躬  
儉恤民德民依依以爲父母珪亦樂其風土之淳遂家  
於銀邑

元宣勝丹陽人至正間承德興性廉介歲大旱設法賑饑詣  
東嶽祠矢志責躬禱雨輒應民刻石又生祠之

明祥廬州人洪武初承德

更始叙開創

之功者以辜爲最而祥之

陳儀揚江陰人正德間承德興政尚寬平庭無積弊民生  
祠之

馮楷積溪人由貢士洪武間丞安仁立志清苦廉介無私  
陞知縣

國朝盧燦遼陽人康熙三年丞安仁卓犖和平慈心清節  
民多飲德去後懷之現補嘉善丞

明丘字子守僊遊人 正德間丞萬年邑治甫立廉於守  
身勤以蒞政百廢具舉民不知勞以內艱去以上俱縣丞

宋楊龍偉進賢人由進士為鄱陽簿時信州軍亂龍備往

饒州府志

卷之二十一

名宦

八十四

覲誅其首數人而定邑大饑市糶閉絕因事急便宜發  
倉穀賑之民遂安

明孫湖州人洪武間簿鄱陽有治才歷陞山西按察副使

鍾棟崇德人嘉靖間簿鄱陽長於吏事尤以清操見稱

劉起元博野人隆慶間簿鄱陽一介不取及罷歸不能具  
資糧遂徒步而歸

高宗漢宣城人嘉靖間簿樂平嘗糧革侵蠹除科歛五載  
一廉不改邑舊徵糧南河澆為葦蓬貯糧風雨輒壞漢

捐俸建廳士民立碑頌之時奉檄築城漢佐長令定址督造有著蹟先是開城址得遺骸置木桶若干拾以瘞政多惠愛遷桐鄉丞

宋裘萬紹熙四年簿樂平初見長官楊簡拜為道德師政暇即南堂聽講以儒節吏事凡當為者不避權貴以低昂考滿郡守留俟春牘乃去不顧以廉能聲上聞陞司直

明王懷江浙人洪武初簿德興時天下甫定庶事草創懷贊助宰令始建郵舖漸成望邑民至今稱之

饒州府志

卷之二十一

各宦

八十五

李貞鄖陽人正德間簿德興性廉靜嘗單騎抗寧賊餘孽身被重傷殺獲頗多後去任舒方伯清贈以詩云破琴舊劍來時橐明月清風去日船

宋李臣乾道間簿安仁調知德興詳見德興各宦傳以上俱主簿

葉楠淳熙間為鄱陽尉力請蠲租以救澇荒擢績溪令所著有知非集童蒙記

明袁順江陰人由儒士永樂六年為鄱陽典史以廉能稱薦陞工部主事歷廣西僉事

劉安慈谿人嘉靖間以御史左遷為餘干典史器度從容

議論純粹與諸士校讐文藝終日不倦親相度築南堤  
至今有賴官至叅政

馬從學襄陽人嘉靖間爲餘干典史有守有才盜息民安

宋費昌宇延年開封人由進士爲浮梁尉時邑多誣獄昌

齡多所平反轉開封戶曹叅軍官至太常少卿直昭文  
館范仲淹嘗稱之曰長厚明遠當官未嘗違正者其費  
延年乎

詹體仁字元善浦城人父慥與吳宏劉子翬游調信豐尉

金人渝盟慥見張浚陳秘計浚碎爲屬體仁登隆興元

饒州府志

卷之二十一

各宦

八十六

年進士調浮梁尉郡上體仁獲盜功狀當賞體仁曰

以是受賞非其願也謝不就爲晉江丞宰相梁克家薦

於朝入爲太常博士遷太常丞攝金部郎官光宗卽位

提舉浙西常平除戶部員外郎湖廣總領就升司農少

卿奏蠲諸郡賦輸積欠百餘萬除太常少卿時上以積

疑成疾久不過重華宮故體仁首陳父子至恩之說孝

宗崩時趙汝愚將定大策密令體仁及左司郎官徐誼

達意少保吳玘請憲聖太后垂簾爲援立計寧宗登極

天下晏然體仁與諸賢協贊汝愚之力也孝宗將復土

體仁奏永阜陵地勢卑下非所以安安神靈與宰相異  
議除太府卿尋直龍圖閣知福州言者竟以前論山陵  
事罷之始體仁使浙右時蘇師旦以胥吏執役後倚佞  
曹躡躋大官至是遣介通殷勤體仁曰小人乘君子之  
器禍至無日矣烏得以污我未幾果敗復直龍圖閣知  
靜江府移守鄂州除司農卿復總湖廣餉侂冑建議開  
邊體仁移書廟堂言兵不可輕動開禧二年卒年六十  
四體仁英邁特立博極羣書少從朱熹學以存誠慎獨  
爲主爲文明暢悉根諸理周必大當國體仁嘗疏薦二  
十餘人皆當世知名士郡人真德秀早從之遊嘗問居  
官蒞民之法體仁曰盡心平心而已盡心則無愧平心  
則無偏世服其確論云

戴寶山望江人德祐間以軍功授浮梁尉興學勸農士民  
德之

明夏何富順人萬曆二十三年爲浮梁典史清苦自甘人  
所染指彼每却絕入覲時步行賣膏藥以自給守道鄭  
公繼之獨知之嘗口稱焉

宋蘇邁蜀人文忠公子元豐間爲德興尉文學優贍政事精



敏鞭朴不得已加之而民不忍欺後人仰之立景蘇堂  
鍾傳元祐間提典德興坑冶時置市銀院傳力請罷廢  
民德之故有前蘇後鍾之語

明區順德人正德間為德興典史性質實佐政勤敏亦檄  
禦姚寇死於賊當追獎之

李素衛輝人洪武間為安仁典廉潔自持門無私謁  
擢御史

雜職

明夏斌字彥文興國州人洪武間任棠陰巡檢性倜儻才明

饒州府志

卷之二十一

名宦

八十八

敏每以捕功書最時撫盜聚劫番湖斌設方畧雜商船  
中誘擒之凡四十人餘黨遁去遂平常檄攝縣事斌風  
裁凜然莫敢犯叙勞當擢邑父老相丐留事聞於朝屢  
予爵置還任久之不願陞他職永樂二十二年調溫州  
小鹿巡檢尋卒

孫天祐任龍津驛丞時宸濠叛逆攻破南康九江官守遁  
走濠遣逆黨宸濠能永受領兵各處截掠運糧及偽七  
疑下以數舸至餘干奪運船天祐領縣兵奮勇射殺數  
人賊懼還又偽差以三十餘人從自上流募兵還過

龍津天祐追殺之焚其冊又濠妻黨婁氏家童載甲兵  
西下暨其黨有逸出境內者多爲天祐所擒誅由是東  
路遂絕濠後敗績

顧昌字德輝常州人宣德間長史剛正廉介有輔相功  
李伯璵字君美上海人宣德丙午鄉薦由學官歷長史嘗  
謂轉翼恭贊必自家若身始律正家舉可述與伴讀馮  
厚同緝古今文一百六十三卷名文翰類選大成

馮厚慈谿人以明經第一授伴讀陞紀善進左史子綱以  
南康學官陞紀善時寧庶人跋扈來索瑤琴綱曰此國

饒州府志

卷之二十一

名宦

八十九

寶宗器也執不與庶人及銅畫策與府守爲備後保陞  
右史

